



太平御覽卷第一百七十一

一州郡部十七

一江南道下



越

欽

明

台

處

溫

道

柳

連

邵

黔

思

費

辰

錦

溪

叙

施

播

珍

夷

葉

溱

越州

十道志曰會稽郡禹貢揚州之域春秋時越國

春秋元命苞曰牽牛流為揚州分為越國

史記曰越王句踐其先禹之苗裔夏后少康之子子也封於會稽以奉守禹之祀文身斷髮斷拔草萊而邑焉

吳志曰會稽南面連萬重北帶滄海千里

輿地志曰順帝時陽羨人周嘉上書請分浙江巴西為吳郡東為會稽郡

宋略曰會稽山陰編戶三萬號為天下繁劇王羲之云每行山陰道上如境中遊王獻之望鏡湖澄澈清流瀉注乃云山川之美使人應接不暇

郡國志曰越城無北面以事伐吳後終滅吳

漢志曰會稽郡秦置高帝六年為荆國十二年更名吳景帝四年屬江都領曲阿縣三十六

吳越春秋曰禹巡行天下歸還大越會稽脩國之道以會稽計名山仍為地號也

漢志曰剡縣屬會稽莽曰盡忠

南史曰張稷為剡令至剡亭生子因名剡字四山

漢志曰諸暨縣屬會稽郡界曰疏虜

十道志曰縣有暨浦諸山因以為名

會稽志曰龜山之下有東武里即琅琊郡東武縣山一夕移於此東武人皆從此故里不動

歙州

十道志曰歙州新安郡禹貢揚州之域春秋時屬越春屬秦屬丹陽郡

漢志曰歙都尉治屬丹陽郡

漢志曰黟縣屬丹陽郡浙江出焉成帝鴻嘉二年為廣德

國王莽曰剋虜師古曰黟音伊字與黟同

晉書曰孔愉字敬康會稽人永加嘉之亂避地入新安山谷

中以稼穡讀書為業信著鄉里後奄忽而去人皆以為神

後立廟孔靈村

梁書曰任昉為新安太守調楓香二石始入三兩便止不

欲遺之後人及下任惟有桃花米二十石

圖經曰續溪縣以界內乳溪與徽溪相去一里廻轉屈曲

並流離而復合謂之續溪縣因名焉

圖經曰任昉為新安太守因行春至此愛其雲溪綠源尋

幽累日不返百姓因名其溪為昉溪村名昉村

又曰新安貢柿心黑木黟之字縣職此之由

又曰祁門縣本名閭門著於秦漢之代縣有巨石來流水

兩相對其狀似門故號閭門

又曰婺女源縣本晉休寧縣

東陽記曰上應婺女故名之

明州

十道志曰明州餘姚郡古舜為餘姚之墟

史記曰越王勾踐平吳徙夫差於甬東

漢志曰餘姚本屬會稽郡本鄰侯之地

風土記曰舜之庶所封故曰餘姚

師古云四抄本作大字

輿地志曰邑人以其海中物產於山下鄒亦因名鄒縣
圖經曰鄒縣有甬東及句章故城

台州

十道志曰台州古越州會稽郡之地禹貢揚州之域春秋
時越國秦屬閩中郡後越王無疆七代孫閩君徃率越人
佐漢伐秦惠帝錄其功封徃為東越王都於甌

山海經曰甌在海中郭璞注云令臨海永寧縣即東甌故
地也若在南海中鬱林郡為西甌其海記也

吳地志曰漢書閩越圍東甌東甌告急於天子天子遣大
中大夫嚴助發兵徃救東至閩越上兵東甌乃舉國徙申
處國之江淮間而後遣人徃徃漸出乃以東甌地為回浦

縣

漢志曰回浦東部都尉里屬會稽郡楊雄解嘲曰東南一
尉西北一侯

十道志曰唐武德四年討平李子通於臨海縣置海州五
年改海州為台州

處州

圖經曰處州縉雲郡古縉雲之墟也秦為會稽郡地漢初
為東甌地後以為回浦縣光武更名章安晉分為永加郡
輿地志曰永加郡本會稽東部地晉明帝大寧元年分臨
海等縣立永加郡

圖經曰麗水縣有惡道惡道有突星瀨謝靈運與弟書曰

九二 卷一百七十一
聞惡道溪中九十九里有五十九灘永加嘉記曰王右軍遊
惡灘道奇絕遂書突星灑於石

輿地志曰松陽縣本章安南鄉漢宋本建時立為縣吳地記
曰縣東南臨大溪有松楊樹大八十一捌拾壹圍腹中空可容三

十八坐故取此為名王右軍嘗往看之永加嘉記曰青田縣
有草葉似竹可染碧名為竹青此地所產故名青田浮丘

公相鶴經曰青田之鶴

温州

十道志曰温州永嘉即會稽之東境也漢永建四年置永
寧縣

郡國志曰永嘉為東甌鬱林為西越斯地蠶一年八熟

圖經曰永加縣漢治縣之地後漢改為章安縣

漢志曰治本閩越地屬會稽郡

婺州

十道志曰婺州東陽郡禹貢楊州之域春秋時為越之西

界秦春屬會稽郡漢初屬吳荆二國

郡國志曰婺州正得東越之勝地漢時其地屬會稽為東

揚州人俗輕躁少信行好淫祀

鄭緝之於東陽記曰此境於會稽西部嘗置都尉理於此

吳寶鼎元年始分會稽置東陽郡隋平陳置婺州蓋取其

地於天文為婺女之分野異苑曰東陽顏鳥鳥以淳孝著聞

群鳥助啣土塊為墳鳥口皆傷一境以為至孝所致以因

縣名鳥傷

十道志曰唐武德七年改鳥傷為義鳥

衡州

十道志曰衡州信安郡土地所屬與婺州同唐武德四年平季子道於信安縣置西有三衡山因以為名

輿地志曰後漢獻帝初平三年分太平縣立新安縣晉太唐元年以弘農有新安改名為信安

左傳曰越伐吳王孫彌庸觀越見姑篾之旗杜註云今東陽大篾縣是也

輿地志曰大篾秦漢為太末縣今龍丘及春秋東陽太末縣是也

溫州

十道志曰潭州長沙郡禹貢揚州之域春秋及戰國時為

黔中地之南境晉懷帝永嘉元年分荊州為湘州隋平陳

改湘州為潭州

史記天官書曰翼軫為楚分傍壹小星為長沙星漢書曰

高帝封蕃君吳芮為長沙王

又曰長沙定王發景帝二年立以母寵無徵故土卑溫平

國應劭注曰景帝後二年諸王來朝有詔更前稱壽歌舞

定王但張袖小舉手左右笑其拙怪問之對曰臣國小也

狹不足廻旋帝乃以武陵零陵桂陽屬焉

郡國志曰炎帝神農氏塋於長沙長沙之尾東至江夏謂

之長沙羨是其地

十三州志曰西自湘江至東萊萬里故曰長沙

湘州記曰始皇二十五年併天下分黔中以南之沙鄉為

長沙郡以統湘川蓋取星以名焉

遁甲經曰土之地雲陽之墟可以長生可以避世

湘中記曰其地^有舜之遺風人多純朴今故老猶彈五弦琴

好為漁父吟

湖南風土記曰長沙下濕丈夫多天折俗信鬼好淫祀第

蘆為室頗多越風

岳州

十道志曰岳州巴陵郡禹貢荊州之域古三苗國地春秋

及戰國時屬楚秦屬長沙郡晉分長沙之巴陵置建昌郡

在巴陵齊武封子倫為巴陵王梁封齊明帝子寶為巴陵

王奉齊後以備三恪隋平陳改為岳州

尋江記曰羿屠巴蛇於洞庭其骨若陵故曰巴陵

淮南子曰斬蛇於洞庭

十道志曰巴陵縣本漢下雋縣之巴兵地

漢書地理志曰下雋縣屬長沙郡

十道志曰華容縣本漢孱陵縣

衡州

十道志曰衡州衡陽郡春秋時屬楚秦屬長沙郡漢為鄱

縣地屬長沙國吳分長沙之東國立為湘東郡隋平陳罷

郡為衡州因衡山以取名

尚書禹貢曰荆及衡陽為荊州

甄烈湘州記曰荆大明中望氣者云湘東有天子氣遣使

者巡視斬崗以壓之遂乃湘東王為天子即明帝也

圖經曰茶陵縣者所謂陵谷生茶茗者焉

永州

十道志曰永州零陵郡禹貢荆之地春秋秋及戰國時楚

之南地秦屬長沙郡漢屬長沙國晉以零陵屬湘州隋平

陳置永州因以永水為名

梁書曰孫謙字長信為零陵太守有善積吏人安之先是

郡多猛獸謙至絕迹去官之夜猛獸即害居人

甄烈湘州記曰石鸞山石石形似鸞大小如一山明淨即

頡頏飛翔

羅含湘中記曰石鸞在泉陵縣雷雨則群飛然其土人稀

有見者

按十道志曰零陵縣本漢泉陵縣

道州

十道志曰道州江華郡禹貢荊州之域春秋及戰國時楚

漢屬長沙國唐貞觀八年為道州

圖經曰昔舜封象有庠國即其地

柳州

十道志曰柳州桂陵郡禹貢荊州之域春秋及戰國時屬

楚秦屬長沙郡漢高祖二年分長沙南境立桂陽郡屬荆州部居柳梁元帝為蘆縣郡屬衡州隋平陳改為柳州史記曰項羽徙義帝以長沙都柳

連州

十道志曰連州連山郡春秋時楚地秦為長沙郡之南境兩漢為桂陽郡之桂陽縣吳屬始興郡晉因之宋於此立宋安郡後齊如之梁為陽山郡唐武德四年改為連州以郡南黃連山領為名

邵州

十道志曰邵州邵陽郡禹貢荊州之域春秋時屬秦楚為長沙郡漢為邵陵縣吳分零陵北部為邵陵郡屬荊州即

今州也晉武改邵陽為昭陽唐貞觀十年改為邵州又曰邵陽縣本漢邵陵縣地屬長沙國

黔州

十道志曰黔州黔川郡禹貢荊州之域戰國為楚黔中地秦昭王伐楚置黔中郡其地又屬焉漢武陵郡之酉陽縣武陵五溪蠻之西界也周武帝保定四年戀師恩鶴以地內附置奉州建德三年改為黔州

思州

吳錄曰黔陽屬武陵郡黔陵徑辰州三亭縣西故城是也十道志曰思州寧夷郡禹貢荊州之域春秋楚隨地開皇十八年始置羅務川縣屬州唐武德元年以務州當犍犒

要路置務州貞觀八年改為思州因思邛水為名

費州

十道志曰費州涪川郡禹貢荊州之域春秋時屬秦楚漢武帝元鼎六年通犍牂郡其地屬焉江山阻遠為黑僚所居多不臣附周宣改元僚王元殊多質等歸國遂立州費水為名

九州要記曰九丘之外有費州

辰州

十道志曰辰州盧溪郡禹貢荊州之域春秋時屬楚其地即古蠻夷之地秦昭王使白起伐楚略取蠻夷置黔中郡漢改黔中為武陵郡隋開皇平陳改為辰州。

沅陵記曰五溪十洞頗為邊患自馬伏波正南之後雖為郡縣其民叛擾伐或有之蓋恃山險所致。

十道志曰壺頭山後漢馬援征武溪蠻取壺頭山賊乘高守險水迅船不得進士卒多疫死援亦中病穿岸為室以避炎氣遂卒於此

武陵記曰山邊有石窟即馬援所穿屋也室內有大蛇如舟云是援之餘靈

十道志曰故老云楚太子滅巴巴子兄弟五人流入黔中漢有天下名曰酉辰巫武源等五溪為一溪之長故號五溪

錦州

十道志曰錦州盧陽郡歷代土地與辰州同唐武德初以辰州之地析置錦州

溪州

十道志曰溪州靈溪郡禹貢荊州之域歷代土地所屬與辰州同唐武德中立溪州蓋改五溪相會於此

又曰大鄉縣本漢沅陵零陵二縣地屬武陵郡梁分立大鄉縣三亭縣本漢零陵陽縣地屬武陵郡唐分大鄉縣縣有小酉山黔山大酉山

叙州

十道志曰叙州潭陽郡古蠻夷之地戰國時為楚黔中地唐貞觀八年為巫州天授三年為巫山不在州界改為阮

州以阮江水改為郡名開元十三年仍舊為巫州至大歷五年為叙州

五溪記曰民多射生而鼻飲噉地鼠捕鰕鱧朝管夕用故無宿給

施州

十道志曰施州青江郡禹貢荊州之域春秋時為巴國七國時為楚巫郡地秦昭王伐楚置黔中郡巫地屬焉周武建德二年猶長向鄒兄弟四人相率內附立施州

又曰青江郡本漢巫縣地屬南郡巫縣今夔州巫山縣是也吳晉及周為沙渠之地隋於此清江縣縣

播州

十道志曰播州南平郡地屬南郡巫縣今夔州巫山縣是也

十道志曰播州播川郡秦夜郎縣之西南隅惠王十四年
欲得楚黔中地以武關之外易之今餘公徑歷黔府郎物謂黔
中地漢武元鼎六年平西南夷置牂牁郡其地屬焉以且
蘭有掾船牂牁因此立郡以名焉貞觀九年於此界置郎
州後省十三年又於其地置播州以其地有播川因名焉
漢書曰唐蒙尚書說武帝曰聞夜郎國有精兵可十餘萬
浮舟牂牁出其不意以制越此一奇也

玆州

十道志曰玆州夜郎郡古山獠夜郎國之地晉永加五年
分牂牁置夜郎郡兼置充州唐貞觀十七年廊瀾夷置播
州鎮後因川中有降玆山因以鎮為玆州取山名郡也

九州志曰夜郎自古非臣伏州郡之地漢武開拓南邊始
置夜郎縣屬牂牁郡即牂牁都尉治之居
後漢書曰夜郎者臨牂牁江江廣百餘步足以行船
十三州志曰牂牁者江中山名也

夷州

十道志曰夷州義泉縣古徼外蠻夷之地漢置牂牁郡歷
經圖曰臣附歷代恃偷不分隋隋大業七年始招慰置綏陽
縣屬明陽郡唐武德四年置夷州

葉州

十道志曰葉州龍溪郡古蠻夷之地唐置葉州後為龍溪
郡

四抄本漢字下
無置字空一格

漆州

十道志曰漆州漆溪郡古蠻夷之地唐貞觀八年開招南蠻於榮懿縣立漆州地多貢象牙後或為漆溪郡

太平御覽卷第一百七十一

據宋板舊抄本校計十葉

前空三行

太平御覽卷第一百七十二

州郡部十八

嶺南道

廣

韶上三

岡

循

潮

恩

春

賀

端

藤

新

勤

寶龍

桂高

昭儀

康新

封勤

瀧寶

高桂

義昭

蒙

富

梧

尋

龔

鬱林

平琴

賓

澄

緡緡

象

柳

融

邕

貴

黨

橫

田

嚴

山

淳

羅

潘

容

辨

白

牢

欽

南安都護府 武我 粵 芝 愛

福祿 長 驩 峯 陸 廉

巖 雷 禺 湯 灤 籠

環 古 崖 儋 振 瓊

萬安

廣州

十道志曰廣州南海郡秦置南海郡二漢因之兼置交州

吳因以分置廣州宋齊皆因之梁陳並置都督府隋平陳

又置潘州煬帝初復置南海郡唐為廣州

又曰南海縣本漢番禺縣地

山海經曰桂林八桂在賁禺東註云賁禺即番禺也

吳錄曰番禺縣有禺山尉他所鑿

南越志曰肅連山西十里有靈州山焉其山平原彌望習

野極目

郭景純云南海之間有衣冠之氣者斯其地也又曰秦古

氣者以南海有黃氣紫雲之異使繡衣使者鑿之二十餘

丈乃流血數日以為鑿龍之効今所鑿之處形似馬鞍謂

之馬鞍崗

又曰石門之水舊曰貪泉俗云徑大庾則清穢之氣分飲

石門則淄素之質變

廣州記曰尉他等朝臺以朝天子

南越志曰朝臺下有趙他城朝臺西三十里即崗旁江構

又曰云：本
另提行

越華以館送陸賈因稱朝臺

十道志曰番禺北津水今名廉平水

韶州

十道志曰韶州始興郡禹貢揚州之域春秋戰國皆楚地秦屬南海郡二漢屬桂陽郡吳置始興郡晉因之宋改爲廣興齊復爲始興隋平陳爲韶州以韶石爲名

郡國志曰韶州科斗勞水間有韶石二狀雙關永和二年有飛仙衣冠遊二石上昔舜遊登此石奏韶樂因以名之

岡州

十道志曰岡州義寧郡禹貢揚州之域秦漢並屬南海郡東晉未分置新會郡宋齊並因之隋平陳置封州後改爲

亢州後改爲岡州

郡國志曰岡州地近大海晴少雨多時遇甚州林宇悉牧

俗織竹爲釜以蠟殼屑泥之煮培轉久彌密

循州

十道志曰循州海豐郡春秋時爲百越之地戰國時屬楚

秦二漢南海郡地晉亦然隋平陳置循州

南越志曰郡東水道一十里趙地昔爲龍州尉所蒞於此

潮州

十道志曰潮州潮陽郡亦古閩越地秦時屬南海郡秦末

屬尉他漢初屬南越後亦屬南海郡後漢因之晉置東官

郡隋平陳置潮州

郡國志曰稻得再熟蚕亦五收煮海鹽為益

十道志曰海陽縣本漢激陽縣地漢南越志曰潮陽縣窮海之北故曰潮陽

恩州

十道志恩州恩平郡秦屬南海郡二漢為合人合浦郡唐貞觀中置恩州

春州

十道志曰春州南陵郡古越之地秦屬南海象郡漢合浦郡之高涼縣地晉分恩平縣唐武德四年討平蕭銑置春

賀州

十道志曰賀州臨賀郡秦屬南海郡二漢屬蒼梧郡吳分置臨賀郡晉因之宋為臨慶國齊復為臨賀郡陳因之隋平陳置賀州因賀水為名

端州

十道志曰端州高要郡秦屬南海郡兩漢並屬蒼梧郡晉亦然宋齊並屬南海郡陳置高要郡隋平陳置端州南越志曰石室山傍洞雲霧自生風烟有二石門以為仙之下都

藤州

十道志曰藤州感義郡秦屬南海郡二漢並屬蒼梧郡晉屬永明郡隋平陳置煬州煬帝初州置廢帝永平郡唐復為藤

州

郡國志曰俗以青石為刀劍如銅鉄鐵法婦人亦為環玦代珠玉也夷人往往化為獠獠小也

康州

十道志曰康州晉康郡秦屬南海郡二漢屬蒼梧郡晉分置晉康郡宋齊因之隋平陳廢晉康併入信安郡今高要郡也唐復置康州

封州

十道志曰封州臨封郡土地所屬自秦已上與康州同今州即漢蒼梧郡之廣信縣也梁置信安郡兼置成州隋平陳廢郡改成州為封州

瀧州

十道志曰瀧州開陽郡瀧數江切土地所屬自漢已上與康州

同晉分端溪置龍鄉縣今州即其地

南越志曰龍鄉縣屬廣熙郡梁分廣熙置建州又分建州

之雙頭洞然雙州即此是也

高州

十道志曰高州高涼郡秦以前土地與晉康同二漢屬合浦郡吳置高涼郡晉因之梁置高州隋平陳郡廢而高州如故故唐為高州

南越志曰高涼本合浦縣也吳建安十六年衡毅錢博拒步騭高安峽毅死博與其屬亡于唐涼呂袋為刺史博既請降遂以博為高涼都尉於是置郡焉

義州

十道志曰義州連城郡土地所屬秦以上與潘州同漢置蒼梧郡今州即蒼梧之孟陵縣唐武德四年江表底定於

此置南義州貞觀二年於此置義州

新州

十道志曰新州新興郡古越地秦始皇略取陸梁地置象郡今州即其地也漢為合浦縣之臨元縣晉穆永和七年分蒼梧郡於此置新寧郡梁隋唐為新州

勤州

十道志曰勤州銅陵郡秦屬南海郡二漢屬合浦縣隋屬信安郡唐置勤州為銅陵郡

賓州

十道志曰賓州懷德郡禹貢揚州之分古越地溪蒼梧郡之端溪縣先晉羅賓洞因為名唐武德五年置南扶州貞

觀八年改爲賓州

郡國志曰賓州悉吹高欄爲居號曰千欄欄三日一市
又曰特亮縣在河澗水北昔有白牛夜出光影照村村人
見此牛光號爲特亮也

桂州

十道志曰桂州始安郡禹貢揚州荆之域春秋時越地七國
時爲楚越之交始皇二十三年嘗發逋亡人贅婚賈人畧
取陸梁地是爲桂林郡焉二漢屬零陵蒼梧二郡吳置始
安郡蒼梧武改爲始建齊復爲始建梁天監六年立桂州於
蒼梧鬱林之境無定理處大同六年移桂州於今理隋大
業三年罷州唐武德四年復置桂州

26
3

始安記曰吳越之地其人好劔輕死易發火耕水耨人養魚稻無千金之家好巫鬼好淫祀

十道志臨桂縣荔水水源多生桂桂生處不生雜樹

昭州

十道志曰昭州平樂郡秦屬桂林郡地二漢屬蒼梧郡宋

始建國齊屬始安郡隋亦然唐武德四年置樂州貞觀八年改為韶州取昭潭為名

弘盛之荆州記曰平禦縣西南數十里有山間有兩目如人眼極大瞳子曰白黑分明

蒙州

十道志曰蒙州蒙山郡漢武平南越置蒼梧郡今州即蒼梧之荔浦縣也隋置隋化縣唐置蒙州州有山號曰蒙山山下皆姓蒙因為州名

富州

十道志富州州開江郡秦桂林郡地二漢屬蒼梧郡梁為

開江武城二郡地陳置靜州改開江武城二郡為趙遙郡
隋平陳並廢唐又置靜州貞觀八年改為富州因富水為
名

梧州

十道志曰梧州蒼梧郡秦屬桂林二漢為蒼梧晉以後並
因之梁州屬成州隋平陳改為封州唐改為梧州
漢書曰武帝元始六年開蒼梧郡

禮記曰舜葬蒼梧之野

潯州

十道志曰潯州潯江郡秦屬桂林二漢以後並屬鬱林郡
隋屬永平鬱林二郡地唐置潯州

郡國志曰大賓縣漢布山縣地有堂牛與蛇同穴牛嗜
俚人以皮裹手塗鹽入穴探之牛紙之出外則不得入取
其角為器一曰糠牛

龔州

十道志曰龔州臨江郡秦屬桂林郡漢平南越置蒼梧郡
今州即郡之孟陵縣地唐置龔州

鬱林州

十道志曰鬱林州鬱林郡秦為桂林郡漢改為鬱林郡後
漢同之梁置定州改為南定州隋平陳改為尹煬帝初為
鬱林郡唐為鬱林州

平琴州

十道志曰平琴州平琴郡舊鬱林郡地唐置平琴州或為平琴郡

賓州

十道志曰賓州安城郡古越地秦桂林郡地漢為鬱林郡又為鬱林郡之嶺方縣地唐貞觀五年置賓州

澄州

十道志曰澄州賀水縣古越地秦為桂林郡漢為鬱林郡之嶺方縣唐武德四年置澄州

緇州

十道志曰緇州常林郡秦屬桂林郡二漢屬鬱林郡吳以後因之唐平蕭銑置緇州

象州

十道志曰象州象郡秦屬桂林郡二漢為鬱林郡吳又分置桂林郡晉宋齊因之隋平陳置象州因象山以為名

象郡今合浦郡非此象州也

柳州

十道志曰柳州龍承郡秦漢土地與象州同晉以後屬桂林郡隋屬始平郡唐平蕭銑置昆州唐貞觀八年改為柳

州

融州

十道志曰融州融水郡即歷代土地與柳州所同唐置融

州

邕州

十道志曰邕州即寧郡古越地秦為桂林郡漢鬱林郡之

嶺方縣武德四年置南晉州貞觀六年改為邕州

圖經曰人俗恠畜流薄內儉外蠢堆髻跣足以尚鷄上如

貴州

十道志曰貴州懷澤郡虞舜成州並為荒裔秦為桂林郡

自漢以下與鬱林郡同唐置貴州

黨州

十道志曰黨州寧仁郡秦桂林郡地唐置黨州

南越志曰黨州寧仁郡有京觀即古征黨洞殺俘虜處

橫州

十道志曰橫州寧浦郡古越地秦象郡地漢為合浦郡之

高涼縣地隋於此置簡州又改綠州唐改為橫州

田州

十道志曰田州橫山郡土地與朗寧郡同唐為田州

嚴州

十道志曰嚴州脩德郡禹貢荊州之域漢武平南越即象

郡唐乾封三年置嚴州地在嚴岡崗之側因為名

圖經曰州門有長河水深八十丈從牂牁流下四平置在

山州

方輿志曰山州龍池郡土地與嚴州同唐為山州或為龍

池郡

淳州

方輿志曰淳州永定縣秦屬桂林郡地唐武德四年置至
宋貞以犯憲宗廟諱改為巒州以巒山為名

羅州

十道志曰羅州昭義郡禹貢揚州之域是以南越宋元嘉
三年鎮南將軍檀道濟巡撫於羅陵口築城以名之屬高
涼郡唐武德五年因其地復置州

南越志曰招義縣者流人營也

潘州

十道志曰潘州南潘郡古甌駱越地秦平百越為桂林郡

地漢為合浦縣地屬合浦郡唐武德四年置南巖州八年
改為潘州

嶺表記曰潘州昔有方士潘茂於此昇仙遂以名郡

容州

方輿志曰容州晉寧郡古越地屬象郡二漢屬合浦郡宋
大始七年分合浦縣於此立南流郡齊梁陳不改隋廢唐
武德四年置銅州貞觀八年改為容州因山容為名

十道志曰鬼門關在北流縣南三十里兩石相對狀若關
形濶三十餘丈昔馬援討林邑經此立碑石碣尚存昔時
趨交趾皆由此關至南尤多瘴癘去者罕得生還故諺曰
鬼門關十人去九人還

郡國志曰斯地瘴氣春為青草瘴秋為黃茹瘴有江水

十道志曰辨州辨州陵水郡古越地秦象郡地二漢屬合浦縣

唐置辨州

郡國志曰辨州在陵羅二水之間

白州

十道志曰白州南高昌郡古越地秦象郡地漢為合浦郡唐

武德四年置南州六年改為白州

嶺表錄曰州有一派水出自雙水山合容州江呼為綠珠

井在雙角山下昔梁氏之女有容貌兒石季倫為交趾採訪

使以真珠三斛買之梁氏之居舊井存焉

牢州

十道志曰牢州定州郡本巴屬西南徼外夷秦屬象郡漢

屬牂牁郡唐置義州改為智州貞觀十一年改為牢州以

牢石為名

欽州

十道志曰欽州寧越郡歷代土地與白州同宋齊以來置

宋壽梁郡又置安州隋平陳改為欽州

南安都護府

方輿志曰南安府今理宋平縣古越地禹貢揚州之域號

為百越在周為裳越重譯之地秦屬象漢為交趾日南二

郡界後漢因之唐為交州

又曰人俗雜蠻夷之風其人皆服布如單被穿中央以貫其首男子耕農女子織紵兵具矛楯長刀木弓竹矢或骨為鏃

交州記曰南定縣人足骨無節身有毛卧者更挾始得起故名

山海經曰交脛國人因脚脛曲戾相交所以謂之交趾南越志曰龍編縣州之始有蛟龍編於水之間因以為瑞而名邑

武莪州

方輿志曰武莪州武莪郡土地與南安都護府同唐置武莪州

粵州

方輿志曰粵州龍水郡土地與南安府同唐為粵州或為龍水郡

芝州

方輿志曰芝州忻城郡土地與南安府同唐為芝州或為忻城郡

愛州

方輿志曰愛州九真郡秦象郡地漢武置九真郡後漢亦同晉屬九真郡宋齊因之梁置愛州隋為九真郡唐又為愛州

福祿州

方輿志曰福祿州福祿郡土地與九真同唐為福祿州

長州

方輿志曰長州文陽郡土地與九真同唐為長州

驩州

方輿志曰驩州日南郡古越裳氏圖九澤所通者也秦屬

象郡二漢屬九真郡吳分置九德郡晉宋齊因之隋置驩

州後為日南郡唐為驩州

郡國志曰龐山曰洞人失其兩齒為飾刻青作花文中山

立市十日一會鑄銅為器火盤名勞勞以為財市

峯州

方輿志曰峯州承化郡古文郎郎有文示陸梁地秦屬象

郡二漢屬交趾郡吳分置新興郡晉改為新昌陳置興州

隋平陳改為峯州煬帝初廢唐復置峯州

林邑記曰蒼梧以南有文郎野人居無室宅依樹上宿食

生肉採桑為業與人交易若上古之人

陸州

方輿志曰陸州玉山郡秦象郡地漢以來屬交趾郡梁分

置南州及寧海郡隋平陳郡廢改黃州為玉州煬帝初州

廢唐復置玉州上元二年改為陸州州有陸水

廉州

方輿志曰廉州合浦縣秦象郡地漢置合浦郡後漢同吳

改為珠官晉又為合浦郡宋因之兼置臨漳郡及越州齊

又因之隋改為祿州陳為合州置廉州

後漢書曰孟嘗字伯周會稽上虞人為合浦太守先是太

守多貪珠遂徒向交趾嘗到華前理弊珠遂還稱為神明桓

帝徵之

巖州

方輿志曰巖州安樂郡土地與合浦郡同唐為巖州或為

安樂郡

雷州

方輿志曰雷州海康郡秦屬象郡地二漢以後並屬合浦

郡之梁分置合州大同末為南合州隋煬帝初廢唐為雷

州

投荒錄曰雷州南濱大海多雷雷之聲近在簷宇之上雷

州之北高州之南數鄉亦多雷雷聲似在尋常之外俗俟

雷時具酒肴設奠畏雷法甚嚴謹有以羶肉與鷄肉食者

霹靂即止

禺州

十道志曰禺州溫水郡古百越地婺女之分野秦屬象郡

木巖昌之邊邑唐置巖州又改為禺州以南方番禺之地

因名州

湯州

方輿志曰湯州湯泉郡秦屬象郡地唐置湯州或為湯泉

州

灤州

十道志曰灤州臨潭郡禹貢揚州之域春秋屬楚在鬱林之西南交趾之北隋大將軍劉方始開此路為鎮守尋又不通唐貞觀二年清平公李弘節遣欽州首領寧師宗招慰開拓尋劉方舊路得達交州為州在灤水之東故以為名灤音向章反

籠州

十道志曰籠州扶南郡古越地在南越之西界唐貞觀十二年大使清平公李弘節招降獠置籠州以洞為名

環州

十道志曰環州正平郡禹貢揚州之分州隸桂州貞觀十

五年李弘節招慰欽討環落洞故以名州州在遊盧水南整水北

古州

方輿志曰古州樂古州郡土地同臨潭郡唐置古州或為樂古郡

崖州

方輿志曰崖州朱崖郡郡地海中之洲也洲方千里與今海康郡之徐聞縣對自徐聞徑度便風揚帆一日一夕即至梁置崖州

漢書曰武帝元鼎六年開南海地置朱崖儋耳二郡元帝罷朱崖郡以其阻絕數及故罷之

郡國志曰崖州婦人着總綆以上為釜器用瓠瓢無水人飲唯石計計又有椒以安石榴花着瓮中經旬即成酒其味香美能醉人

交州記曰朱崖在大海中南極之中外

儋州

十道志曰儋州昌化郡土地所屬與朱崖同漢元鼎六年定越地置儋耳郡唐武德四年置儋州

漢書張晏註曰儋耳其俗鑊其頰皮上連耳匡分為數支

狀似雞腸因名焉

海內南經曰有離耳

郭景純註曰鑊其耳分令下垂為飾即儋耳也

太平御覽卷振州七十三

方輿志曰振州延德郡土地與朱崖郡同隋置臨振郡唐

置振州

宮瓊州

方輿志曰瓊州瓊山郡土地與朱崖郡同唐貞觀六年割

崖州置瓊州

萬安州

方輿志曰萬安州萬安郡土地與朱崖郡同唐置萬安州或為萬安郡

太平御覽卷第一百七十二

據宋板舊抄本校 計十四葉 宋本復校

何遜詩

大輿志曰

大輿志曰

大輿志曰

大輿志曰

大輿志曰

大輿志曰

大輿志曰

大輿志曰

太平御覽卷一百七十三

居處部一

宮

宮 上堂五

世本曰堯使禹作宮

釋名曰宮穹也屋見垣上空隆也

爾雅曰宮謂之室室謂之宮

史記天官書曰玄武虛危主宮室

大戴禮曰周時德澤和洽蒿茂大以為宮柱名為蒿宮

毛詩曰定之方中作為楚宮揆之以日作為楚室

又曰鍾鼓于宮聲聞于外

又曰

易曰上古穴居而野處后世聖人易之以宮室上棟下宇以待風雨蓋取之大壯

左傳曰襄公作楚宮穆叔曰大誓云民之所欲天必從之君欲楚也夫故作其宮若不復適楚必死是宮也六月公薨于楚宮

又曰晉成虎祁之宮又晉銅鞮之宮數里

論語曰禹卑宮室而盡力乎溝洫禹吾無間然矣

史記曰騶子之燕昭王擁彗先驅請列弟子而受業築碣石宮親往師之

又曰秦始皇造阿房宮徵發天下工匠

又曰秦始皇所居之宮有祈年宮長信宮梁山宮

又曰戎王使田余於秦秦繆公示以宮室積聚余曰使鬼為之則勞神矣使人為之則苦民矣

又曰項羽屠咸陽焚其宮室三月火不滅

又曰盧生說始皇曰人主為微行以辟惡鬼惡鬼辟真人至人主所居而人臣知之則宮於神願上所居宮無令人知然後不死之藥殆可得也乃命咸陽之旁三百里之內宮觀二百七十複道甬道相連帷帳美人充之所幸言其處者死始皇幸梁山宮從山上見丞相車騎衆弗善也中人以告丞相後損車騎始皇怒曰此中人泄吾語捕時在旁者斬之自是莫知行之所在決事悉於咸陽宮

又曰始皇二十七年作長信宮於渭南通驪山作甘泉前

殿築甬道自成陽屬之築墻垣如街巷

又曰漢武帝時河決天子自臨河決沉白馬玉璧作瓠子

歌於是卒塞瓠子築宮其上名曰宣房宮

又曰樗里子卒葬於渭南章臺之東曰後百歲是當有天

子之宮夾我墓樗里疾室在於昭三廟西渭南陰鄉樗里

子至漢興長樂宮在其東未央宮在其西武庫正值其墓

秦人諺曰力則任鄙智則樗里

漢書曰八年丞相蕭公作未央宮立東闕北闕蒼龍白在

殿武庫太倉還見宮室壯麗甚怒曰天下方未定何宮室

過度也何曰非壯非麗無以威四夷且令後世無以加也

又曰初江充召見大臺宮晉灼曰黃圖上林走有狗觀也古書曰本太臺有天作臺者

誤也漢無大臺自請願以所常被服冠者上上許之充為人魁岸

容貌甚壯帝望見而異之謂左右曰燕趙固多奇士既至

問以當世政事上悅之

又曰武帝六年冬行幸回中春作首山宮

又曰上幸不其祠神人于交門宮若有向坐拜者作交門

之歌

又曰幸河東之明年正月鳳凰集被初於所集處得玉寶

起步壽宮

又曰栢梁災越巫勇之廼曰越俗有大災又起屋必以大

用勝服之於是起建章宮為千門萬戶

又曰梁孝王吳起楚破梁最親有功又為大國居天下膏趾

界山西至高陽四十餘城多太縣孝王太后少子愛之賞

賜不可勝道於是孝王築東苑方三百餘里廣睢陽城七

十里治宮室為複道宮連屬於平臺四十餘里如淳曰在

宮所在晉灼曰或先得賜天子旌旗從千乘萬騎出警入

躡擬於天子

又曰孝武作建章宮為千門萬戶有鳳凰闕高二十餘丈

中有蓬萊方丈瀛洲壺梁象海中神僊南有玉堂璧門大

鳥之屬立明臺并幹樓度高五十餘丈輩道相屬焉

又曰秦起咸陽西至雍離宮三百師古曰凡言離宮者皆

也鍾鼓帷帳不移而其又為阿房之殿高數十仞師古曰

言殿之四河皆為房也一說大陵曰阿言其殿高居於阿

上為房也房决房非旁說云始皇作四十殿未有名以其

去咸陽近其號阿房東西五里南北千步從車羅騎四馬

馳騫旌旗不撓師古曰撓屈也言庭之廣大殿之高敞衆

為宮室之麗至於此使其後世曾不得聚廬而託處焉

又曰鄒陽諫吳王曰臣聞秦倚曲臺之宮應劭曰始皇帝

家未央懸衡天下服虔曰關西為衡應劭曰衡平也如淳

曰此說秦自以為為威力強固非論平法也下又因畫地而

求犯兵加胡越師古曰畫地不至其晚節末露張耳陳勝

連從兵之據師古曰從以扣函谷咸陽遂危師古曰何則

列郡不相親萬室不相救也

又曰後元二年幸蓋屋作五柞宮張晏曰有五

又曰甘露二年幸萑陽宮音信

後漢書曰永平三年夏旱而大起北宮鍾離意詣闕免冠
 上疏曰伏見陛下以天時小旱憂元元降遊正殿躬自克
 責而皆密雲遂無大潤豈政有未得應天心者耶昔成湯
 旱以六事自責曰政不節邪使人疾邪宮室崇邪女謁盛
 邪色直行邪讒夫昌邪竊見此宮作人失農時此所謂宮
 室崇也自古非喜宮室狹小但患人不安寧宜且罷以應
 天心臣意以匹夫之才無有能久食重祿擢備君近臣比
 受厚賜喜懼相平不勝愚慙征營罪當萬死征營不帝策自安也
 詔報曰湯引六事咎在一一人其冠履勿謝比上天降旱密
 雲數會朕戚然慚懼思服善應故分布禱請闕候風雲北
 祈明堂南設雪場明堂在洛陽城南言北祈者今又勅大蓋時修雪場在明堂之南也

臣上作諸宮減省不急庶消災譴詔因謝公卿百僚遂應
 時澍雨又曰東平王蒼薨元年三月年巡狩幸東平宮追念
 蒼謂其諸子曰思其人至其鄉其處在其人亡因泣下沾
 襟

魏志曰帝營作許昌宮楊阜諫曰堯尚茅茨而萬國安禹
 卑宮室而天下樂桀作璇室象廊紂為傾宮鹿臺皆喪社
 稷也

吳志曰後主二年六月起新宮於太初之冬東制度尤廣二
 千石以下皆自入山督攝伐木又壞諸地大開苑囿起土
 山作樓觀加飾珠玉製以奇名右臨圃左彎斨又開城渠
 引後湖水激流入宮內巡遶堂殿窮極伎巧功費萬計

又曰赤烏十年春二月適南宮三月改作太初宮詔移武昌材瓦有司奏武昌宮作已二十八年恐不堪用宜別更置帝曰大禹卑宮室為美今軍事未已所在多賦妨損農業且建宮乃朕從京來作府舍耳柱材率細年月久遠恐損壞今武昌宮材木自可用繕之。

晉書曰尚書僕射謝安石以宮室朽壞啓作新宮帝推出居會稽王第二月始興功內外日役六千人安與大匠毛安之決意修定皆仰摸玄象體合振極並新制置省閣堂宇名署時止構太極殿欠一梁有梅木流至石頭石頭津主啓聞取用之因畫花於梁上以表瑞焉又起朱雀重樓皆繡栢藻井然開三道上重名朱雀觀觀下門上有銅雀

懸楣上刻木為龍虎左右相對

王隱晉書曰高堂刻鄴宮屋材云後若干年當有天子居此宮惠帝止鄴宮屋上剝更屋始見刻字計年正合時戴記曰石勒欲營鄴宮先是廷尉續咸諫止之及是霖雨中山西北暴水流漂巨木百餘萬根集于堂勒大悅謂公卿曰諸卿知否此非為災天意欲吾營都矣於是營之勒親授規模

又曰劉曜命起鄴明觀立西宮建凌霄樓於瀉池侍中喬和包上疏曰臣聞人主之興作也上准乾坤下順人時是以備文承亂亡之後宗廟流漂無所而猶上憲營室作為楚宮故能上與康叔武公之迹延九百之慶也今奉詔書

將營鄠明觀市道蕪蕘咸非之日一觀之費足以平涼州
矣又奉勅旨復欲擬阿房而建西宮模瓊樓而建凌霄以
此功費亦可以吞吳蜀剪齊魏矣書奏大悅

宋書曰少帝以石頭城為長樂宮東府城為未央宮

齊書曰高祖永明元年秋七月車駕幸青溪舊宮設金石
樂在位者賦詩

唐書曰東都平太宗入觀隋氏宮室嗟後主罄人力以逞
奢侈薛收進曰峻宇雕牆殷以滅土階茅棟唐堯以昌秦
帝增阿房之飾漢后罷露臺之費故漢祚延而秦禍速自
古如土崩瓦解取訛後代良以奢所至太宗悅其對
又曰高宗嘗避暑於仁智宮

又曰閻之德受詔造翠微玉華宮咸稱旨賞賜甚厚

又曰太宗將幸九成宮姚思廉諫曰離宮遊幸秦皇漢武
之事固非堯舜禹湯之所為也言甚切至太宗納之

西京雜記曰趙王如意年幼未能親就外傳戚姬使舊趙
內傳趙溫傳之號其室為建德宮

又曰五柞宮有五柞樹皆連抱上枝覆蔭數十畝其西有
青桐觀觀有三梧桐樹樹下石麒麟二刊其協為文字是

秦始皇驪山墓上物事也頭高一丈三尺東邊者前左腳
折處有赤如血父老謂其有神皆含血而屬筋焉

帝王世紀曰紂作傾宮七年乃成大十里高千丈文曰堯
有二宮

漢武故事曰上起明光宮殿燕趙美女二千人充之取其
年十五已上二十已下滿四十者出嫁掖庭令摠其籍時
有死出者隨補之凡諸宮美人可取七八千建章未央長
樂三宮皆輦道相屬懸棟飛閣不由徑路
六韜曰殷君喜治宮室七十三所大宮百里宮中九市
列仙傳曰鈎弋夫人齊人病六年右手拳望氣者云東方
有貴人氣推而得之召到姿色甚美偉帝被其手得一玉
鈎而手尋轉故名其宮為鈎弋宮
十洲記曰方丈山有玄琉璃石
博物志曰夏桀之時有長宮於深谷之中男女雜處三旬
不出聽政其後大風飄沙填此宮谷

鄴中記曰自襄國自鄴二百里中四十里輒一宮有一夫
人侍婢數十黃門宿衛石虎下輦即止凡虎所起內外大
小殿臺行宮四十四所

郡國志曰武帝遊五柞宮欲廣上林令譙隆諫曰堯舜至
治廣德不務苑囿帝初不悅後拜為中郎

墨子曰上古之未知為宮室就陵而居處下潤傷民故聖
人作為宮室宮室之制高足以避潤濕中足以禦寒風上
足以待霜雪墻高足以別男女故以便生不以為樂也今
之為宮室必厚歛百姓暴奪民財為曲成之室青黃刻鏤
之飾故國而人難訴也

管子曰黃帝有合宮以聽政

穆天子傳曰天子升於崑崙之丘以觀黃帝之宮

越絕書曰美女宮周五百九十步土城者勾踐所習教

人西施鄭且宮室

方言曰吳有館娃之宮

列子曰周穆王時西域國有化人來王執化人之祛騰而

上天暨化人之宮構以金銀絡以珠玉出雲雨之上實為

清都紫微也

孟子曰齊宣王見孟子於雪宮

胡氏春秋曰武王勝殷靖箕子之宮也

神異經曰東方有宮青石為牆高三仞左右闕高百尺畫

以五色門有銀榜以青石碧鏤題曰天地長男之宮西方

有宮曰石為牆五色玄黃門有金榜而銀鏤題曰天地少

女之宮中央有宮以金為牆明有金榜以銀鏤題曰天皇

之宮南方有宮以赤石為牆赤銅為門闕有銀榜曰天皇

中女之宮北方有宮以黑石為牆題曰天地中男之宮東

南有宮以黃石為牆黃榜碧鏤題曰天地少男之宮西地

有宮以黃銅為牆題曰地皇之宮

十洲記曰青丘山上有紫宮天真西女多遊於此

又曰方丈山有琉璃宮

紀年曰穆王所居鄭宮春宮

說苑曰楚使使聘齊齊王享之梧宮使者曰大哉梧乎王

曰江海之魚吞舟况大國之樹

三輔故事曰桂宮周匝十里內有光明殿走狗臺上山複道此橫此度從宮中西上城至神明臺

三輔黃圖曰有夜光宮望遠宮昭臺宮蒲柳宮棠梨宮黃陽宮長平宮五柞宮

漢宮闕名曰長安有長樂宮未央宮長門宮鼓篋宮承光

宮宜春宮池陽宮黃平宮黃山宮望仙宮長楊宮集賢宮

延壽宮祈年宮通天宮駮婆宮沛宮林苑宮甘泉宮首山

宮交門宮明光宮五柞宮萬歲竹宮壽宮建章宮太乙宮

思子宮見漢書長樂等宮或在京師或在外部或以或置夜光宮棠

梨宮扶荔宮觀三輔皇圖桂宮見三輔湖宮谷口宮

魏畧曰大秦國城中有五宮各十里宮室皆以水精為箱

食器亦然

郡國志曰金河府磨磷宮北二十里有石殿一飛橋岸畫

以古賢哲士太常卿蔣少游製太和五年文明太后來幸

得鯉魚一雙長三尺以黃金鑲穿腮放於池中後皆長五

尺沉泛相從正光元年五月五日天清氣爽聞池內鏘鏘

聲水驚沸頃臾雷電海氣五道自池中屬於天文之乃滅

波止水定唯見一魚化為龍矣

又曰秦川官昔非子到秦於此築宮室

又曰廬山有三宮上宮在懸崖之表人所不及次宮在山

巖下兩邊有陰陽溝有石洋焉夾道相對下宮在彭蠡湖

際

隋圖經曰大業十六年自江都還洛陽勅於汾州北臨汾水起汾陽宮即管涔山汾河源所出之處當盛暑之時臨河盥漱即涼風凜然如八九月其此多雨經夏罕有晴日一日之中悠悠而雨倏忽而晴晴雨未曾經日雖高嶺千仞嶺上居人掘地深二三尺即得清泉用之

壽春圖經曰十宮在縣北五里長阜縣苑內依林傍澗迎跨山隨地形置焉並隋煬帝所立也曰歸鴈宮回流宮九里宮松林宮楓林宮大雷宮小雷宮春草宮九華宮光汾宮是曰十宮

兩經記曰道義坊唐高祖龍潛舊宅武德元年以為通義宮六年高祖臨幸大晏羣臣引見鄰里父老頒賜有差貞

觀元年立為興聖尼寺焉

又曰大明宮南樓京城之北面西接京城之東北隅初高宗嘗患風痺以宮內秋濕屋宇擁蔽乃於此置宮司農少卿梁孝仁克使製造北據高崗南望爽塏終南如指掌坊市俯而可窺

東京記曰上陽宮在皇城西南東苑苑東垂南臨洛水西拒穀水上元中韋机克使所造列岸脩廊連垣掘地得銅器似盆而淺中有隱居雙鯉之狀魚間有四象字曰長宜子孫時人以為李氏再興之符高宗末年常居此宮以聽政也

兩京記曰上陽宮西有上陽宮兩宮夾穀水虹橋架通以

通往來

楚辭曰魚鱗屋兮龍堂紫貝闕兮珠宮

楚辭云宋本在上行來字下室格

太平御覽卷一百七十三

據宋板舊抄本校計九葉宋本復校

前後無空行

太平御覽卷第一百七十四

居處部二

室室

說文曰室實也

釋名曰室實也物滿實其中也

毛詩曰斯于宣王考室也築室百堵西南其戶

又曰如彼築室道謀是用不潰乎成鄭箋云如當路築室而與行道之人謀之

所謂路人之意不同故不得成

又曰彼姝者子在我室兮

又曰宛其死矣他人入室

尚書曰若考作室既底法厥子乃弗肯堂矧肯構

小字鄭箋云本字作大字

周禮冬官匠人曰內有九室九嬪居之外有九室九卿居之

禮記檀弓下曰晉獻文子成室晉大夫發焉文子趙武也作室成晉君

獻之謂賀也諸大夫亦發禮以往也長老曰美哉輪焉美哉奐焉歌於斯哭

於斯聚國族於斯文子曰武也歌於斯哭於斯是全要領

以從先大夫於九原也北面再拜稽首

又曰室中不翔

又曰儒有一畝之宮環堵之室

左傳襄公十五年向戌來聘見孟獻子尤其室曰子有令

聞而美其室非所望也對曰我在晉吾兄為之毀之重勞

且不敢間

又曰鄭伯有為窟室而夜飲酒擊鍾焉朝未至已朝者曰

公焉在其人曰吾公在壑谷壑在窟室

又曰吳公子光伏於窟室而享王掘地為室

又曰怒於市而色於中

論語曰子游為武城宰子曰女得人焉爾乎曰有澹臺滅

明者行不由徑非公事未嘗至於偃之室也澹臺滅明者孔子弟子

游之同門也正行公事乃肯來我室

得與之語耳非公事不肯來言無私謂國語曰襄子為室美智伯曰美則美矣抑臣亦有懼也襄

子曰何懼對曰臣以秉筆事君記曰高山峻原不生草木

松柏之地其土不直其人不安也室成三年而智氏亡說苑

又曰趙文子為室斲其椽而斲之斲長長老夕焉而見之不

謂而歸文子駕而往曰吾不善子亦告我何甚速也對曰天之室斲其椽而甍之加密石焉諸侯甍之大夫斲之士首之首之者斲其首也備其物也從其等禮也今子貧而忘義富而忘禮吾懼不免何以敢告文子歸勿令甍也

春秋繁露曰廣室多陰遠天地之和也故聖人弗為

漢書曰文帝徵賈誼入見上方釐坐宣室因感鬼神事與誼言之

又曰武帝為竇太后置酒宣室使謁者引內董君是時東方朔陞戟殿下辟戟而前曰董偃斬罪三女得入乎上曰何謂也朔曰偃以人臣私待公主其罪一也敗男女之化而亂婚姻之禮傷王制其罪二也陛下富於春秋積思於

照宋本補

六經留神於王事馳騫於唐虞折節於三代偃不遵經勸

學反以靡麗為右奢侈為務盡狗馬之樂極耳目之欲行

邪狂之道經淫辟之路是乃國家之大賊人主之大域師

曰域魁也音或說者以為短狐非也短狐偃為淫首其罪射上用此不當其義今俗猶言魁域矣

三也上默然不應賴久曰吾業已設斂後而自改朔曰不

可夫宣室者先帝之正處也非法度之政不得入焉故淫

亂之漸其變為篡是以豎貂為淫而易牙作患慶父死而

魯國全管蔡誅而周室安上曰善有詔止更置酒北宮引

董君從東司馬門入更名東交門蘇林曰以偃從北門入交會於內故以名之

賜朔黃金三十斤董君之寵由是日衰又霍光傳曰蓋主

等奏廢光光聞止晝室中不敢入帝召入慰勉之注晝室

畫之室師古曰
雕畫之室也

又曰孔光凡典機十餘年守法度脩故事上有所問據經法以心所安而對不希旨苟合如或不從不敢強諫爭以是久而安時有所言輒削草稟以為張主之過如好忠直人臣大罪也師古曰好求也奸忠有所薦舉唯恐其人之聞知沐日歸休兄弟惠子燕語終不及朝省政事或問光温室省中樹皆何木也晉灼曰長樂宮光嘿不應更答以他語其不泄如是

又曰京房所言屢中天子悅之數召見問房對曰古帝王以功舉賢即萬化成瑞應著末世以毀譽取人故功業廢而致災異宜令百官各試其功災異可息詔使房作其事

房奏考功課吏法上令公卿朝臣與房會議温室皆以多言煩碎上下相司不可許上意卿之時部刺史奏事京師上召見諸刺史令房曉以課事刺史復以為不可行惟御史大夫鄭弘光祿大夫周堪初言不可後善之

又漢三年魏王豹叛漢附楚漢使大將韓信繫虜豹薄姬內人傳詣維陽織室漢王見薄姬內後宮幸之生文帝後漢書曰祭彤為太僕從東巡狩過魯坐孔子講堂顧指子路室謂左右曰此太僕之室太僕吾之禦侮也

又曰袁閔見時儉亂而家門富盛嘗對兄弟嘆曰吾先宮福祥後代不能以德守之而竟為驕奢與亂代爭權此即晉之三卻矣延喜道事將作遂散髮絕代欲投迹深林以

卷之二十一

母老不能遠遁乃築土室四周於是不為戶自備納飲食
 東向拜毋毋恩闕時往就視之母去便自掩閉兄弟妻子莫
 得見也及毋沒歿不為制服設位時莫能名或以狂生日之
 潛身十八年黃巾賊起攻沒郡縣百姓驚散闕誦經不移
 賊相約語不入其間鄉人就闕避難皆得全免年五十七卒
 又曰馬援之功五溪蠻初宮軍至下雋有兩道可入從壺頭
 側路近而水嶮壺頭山名也在今辰州武陵縣東武陵記
 從充則塗夷而運遠充縣屬武陵郡帝初以為疑及軍至耿舒欲
 從充道援以為費糧不如進壺頭守隘賊以事
 上之帝從援策三日進營壺頭賊乘高隘船不得上會暑
 甚士卒多疲死援亦以中病遂困乃穿岸為室以避炎氣

武陵記曰壺頭山傍有石窟援所穿室也室中
 有蛇數百斛以大云是馬援之餘靈而已矣 賊每乘險

鼓譟援曳足以觀之左右哀其壯意莫不為流涕

漢書曰陳蕃家居不掃室賓客至之者或曰可掃一室乎

蕃曰丈夫當為國家掃除天下豈徒室中掃

晉書曰嵇含居道祖家徐州刺史父蕃太子舍人含好學

能屬文家在鞏縣亳丘自號亳丘子置歸厚之門室曰慎

終室

宋書曰武帝六年五月初置陰室于覆舟山修藏水也

唐書曰太子承乾盛農之時營造曲室累月不止左庶子

于志寧切諫不從

家語曰魯有獨處者隣有髮婦亦獨處室夜暴風雨室壞

宋本無乘字

趨而託之魯人閉戶不受

三輔黃圖曰明堂有十二室法十二月

陽龍驤洛陽記曰顯陽殿北有避雷室西有禦龍室

神異經曰西北荒有石室有二百二十人同居齊壽千二

百歲

十州記曰崑崙山上有瓊華之室

淮南子曰西方有金室

列女傳曰彭祖殷大夫也歷夏至商末號七百歲歷陽有

彭祖仙室

漢宮殿名曰神明臺武帝造高五丈上有九室今人謂之

九天臺武帝求神仙置九天道士百人洛陽宮室名曰洛

陽有望舒涼室含章鞠室清暑涼室

老子曰鑿戶牖以為室當死有室之用

管子曰堯有衢室之問者下聽於民也

晏子曰景公謂晏子曰寡人欲朝夕相見為夫子築室於

閨內可乎對曰臣聞之隱而顯近而結惟至賢耳如臣者

飾其容止待令猶恐罪戾也今君近之是遠之也

又曰景公問晏子曰吾欲服聖王之服居聖王之室如此

則諸侯其至乎對曰法其節儉則可法其服室則无益也

拾遺錄曰老君居反景之室日與世人絕迹

又曰燕昭王坐祗明之室升於泉昭之館此館常有白鳳

白鸞逸集其間

列子曰虛室生白張湛注云夫視有若虛者虛室而純白
獨生

莊子曰原憲居圜堵之室蓬戶不完桑以為樞筦以為牖
上漏下濕匡坐而弦歌

戶子曰厚積不登高臺不處高室多傷大室多陰故皆不
居

呂氏春秋曰高亢元作室

又曰齊宣王為室大蓋百畝堂上三百戶三年而未成群
臣莫敢諫

淮南子曰高陽將為室問匠人匠人對曰未可也木尚生
加塗其木必將撓生材任重塗今雖成後必將敗高陽難

曰不然夫木枯則益勁塗乾則益輕以勁材任輕塗今雖

惡後必善匠人辭窮無以對受命而為之室其始成峭然

善也而後果敗

又曰崑崙有精室

又曰有石城金室

又曰古者民擇處復穴鑿崖岸之腹冬日則不勝霜雪寒

露夏日則不勝暑熱蚊蚋聖人乃作為之築土構木以為

室且棟下宇以蔽風雨以避寒暑百姓安之

鹽鐵論曰匈奴織柳為室旃席為蓋

說苑曰延陵季子遊於晉曰五入其都新室惡故室美故

牆高新牆卑是以知民力屈也

又曰一室之中有王道焉父母之謂也故君正則百姓治
父母平則子孫孝慈是以孔子家兒不知僭所以然者生
而見善教也

新序曰魯哀公為室而太公儀子諫曰室大衆而人處則
曄少與人處則卑願公適也曰聞命矣築室不輟明日又
諫國小室大百姓必怨吾君諸侯聞之必輕吾國公曰聞
命矣築室不輟明日又諫曰左昭右穆為室而大以臨二
先君無乃害於孝乎於是哀公毀室而止

風俗通曰論語夫子宫牆數仞禮記季武子入宮不敢哭
由是言之宮室一也秦以為來尊者以為常號乃避之室
耳

弟子職曰室中掘平論語曰譬如牆由此言之宮其外室
其內也

楚辭曰砥室翠翹純曲瓊有言外內之室以砥為室平而滑澤

曲瓊玉
鉤也

又曰東山楹而為室披衣於水渚霧濛濛其晨降兮雲依
裴而承宇

又曰網戶朱綴刻方連棟冬有奧突奧復室夏室寒事見居處

上部

又曰築室兮水中葺之以荷蓋

又曰像殷居室靜閑安高堂邃宇檻層軒

潘岳狹室賦曰伊今館之徧狹良窮弊而極微

宋本與復室注
下空六格是字
另行

李尤室銘曰室以安寧寢息幽閑室寒空隙遮遏風寒无
曰寂漠屋漏昭然

太平御覽卷第一百七十四

據宋板舊抄本校 計七章 宋本復校

太平御覽卷第一百七十五
一居處部三

殿殿

說文曰殿堂也高大者也

釋名曰殿典也

擊虞決疑要註曰凡太極殿乃在陛堂則有階無陛也右
礮左平平者以文塼相亞次礮者為陛級也九錫之禮納
陛以登謂受此陛以上殿堂之正者為路寢凡殿堂坐位
以近尊為上無尊者則東向者以北為上南向者以西為
上西向者以南為上北向者以東為上也殿堂之上推天
子居牀其餘皆鋪幅席前設延凡天子之殿東西九筵南

北七筵

史記秦始皇以咸陽人多先王之宮庭小乃營作朝宮渭

南禁苑中先作前殿阿房東西百步南北五十丈上可以

坐萬人下可以建五丈之旗周旋為閣自殿下直指南山

之顛顛為復道渡渭屬之咸陽

漢書曰宣帝幸河南之明年鳳凰集上林迺建鳳凰殿以

答嘉瑞事具祥瑞部鳳凰篇

後漢書曰董卓傳云建安元年七月帝還至洛陽幸陽安

殿張揚為已功故因以揚為名殿

范曄後漢書曰中平三年復脩玉堂殿

東觀漢紀曰明帝欲北宮尚書僕射鍾離意上書諫出為

魯相後欲起德殿成百官大會上謂公卿曰鍾離尚若在

在不得成此殿

魏志曰志云青龍三年丁巳遷洛陽宮命有司復崇華殿

改名九龍殿

又高堂隆傳云帝遂復崇華殿時郡國有九龍見故改曰

九龍殿

又張遼傳曰文帝引遼會建始殿親問破吳狀帝嘆息顧

左右曰此亦古之名將也為起殿舍文特為遼母作殿

晉書曰張駿霸西河於姑臧起謙光殿畫以五色飾以金

玉窮盡玳巧四面各起一殿東方曰宜春殿南方曰朱陽

赤殿西方曰德政白殿北方曰玄武黑殿各方色以時居

晉書記曰石虎於襄國起太武殿於鄴造東西宮室是就
太武殿臺高一丈八尺以文石綽之下穿伏室置衛士五
百人於其中東西七十五步南北六十五步皆濼瓦金錯
銀楹金柱珠簾玉壁窮極伎巧又起靈臺於顯陽殿後選
士庶之女以充之後庭服綺縠奇玩者萬餘人內置女官
十有八等教官人星占及馬步射置女太史于靈臺仰視
災祥以考外太史之虛實。

魏畧曰青龍三年起太極殿洛陽故謂宮有却非殿銅馬
殿敬法殿清涼殿鳳凰殿嘉德殿黃龍殿壽安殿行殿
晉中興書曰烈宗起清暑殿識者曰清暑者語楚色也為

殿以酸楚之聲為號非吉祥也頃烈宗崩桓玄自號楚

又孝武帝造太極殿郭璞筮云二百一十年此殿為奴所
壞後梁武帝毀之捨身為奴

落草燕書曰秋七月丁卯營新殿昌黎大棘城縣河岸崩
出鐵築頭一千一百七十四枚永樂民郭陵見之指闕言

狀以是日到詔曰經始崇殿向築具出神人允協之應也
趙書曰劉曜召構殿巧手三千人發陽平等十郡車牛五

千乘運土築建德殿臺

齊書武穆裴皇后傳云寵姬新昭華居鳳華栢殿宮內御
兩居壽昌殿南閣置白鷺鼓二部

又魏虜傳云虜主宏率衆至壽陽軍中黑氈行殿皆鳥漆

楯為漆槩綴以黑蝦蟇幡登八公山賦詩而去

又禮志云魏文脩洛陽宮室權都許昌殿狹小元城南立壇殿青惟以為門

又蕭赤斧子穎胃傳曰建武中荊州大風雨龍入栢齋中桂壁上有爪足處刺史蕭欣恐畏不敢居之穎胃改為嘉福殿

隋書宇文愷傳云時上北巡愷造觀風行殿上容侍衛者數百人離舍為之卜施輪軸推移倏忽有若神功戎狄見之莫不驚駭

唐太宗謂侍臣曰今天下無事四夷賓服此成功以養百姓因殿而言曰安百姓者如造此舍經始斯畢安可改

移若易一椽增一瓦人足竟踐良工揮墨搆其梁棟所壞益多亦猶百姓既安因而撫養若慕奇變法不恒其德必致勞擾

又曰太宗謂侍臣曰朕頃觀劉聰傳聰將為劉后起鸚儀殿延尉陳光諫聰大怒命斬之劉后手疏啓請甚切聰怒解而甚醜人之讀書欲廣聞見然非知之難也朕近於藍田市將別為殿取制兩儀仍重閣其木已具遠想聰事斯作遂止

又曰高祖引蘇世長宴於披香殿世長酒酣奏曰此隋煬帝之所作也何雕麗之若此高祖曰卿好諫以直其心實詐豈不知此殿是吾所造何須姦說疑煬帝乎對曰臣實

不知但見傾營鹿臺琉璃之瓦並非受命帝王愛民節用之所為也若是陛下作此誠非所宜在哉功幸獲陪侍見陛下宅宇纔蔽風霜當彼時亦以為足今自隋之侈民不堪由命數歸有道而陛下得之實謂懲其奢淫不忘儉約今初有天下而於隋宮之內又加雕飾欲撥其亂寧可得乎高祖每優容之

又曰玄宗嘗召張說及禮官學士等賜宴於集山殿上謂說曰今與卿等賢才同宴於此宜改殿為集賢殿因下制改麗正書院為集賢殿書院

又曰麗正殿高宗降誕之所開元中繕寫圖籍貯之洛陽宮殿薄有明光殿三秦記云明光殿在柱宮中皆以金玉珠璣為簾晝夜光明

太冲吳都賦曰飾赤鳥之曄曄是也

三輔宮殿名曰未央宮有麒麟殿椒房殿

又曰長樂宮前殿宣德殿通化殿高明殿

漢宮闕名曰長安有臨華殿神仙殿高門殿朱鳥殿會城

殿宣室殿承明殿鳳凰殿飛雲殿昭陽殿鴛鴦殿鈎臺殿

合歡殿蕭何殿曹參殿韓信殿

成都記曰隋蜀王秀常造一殿飛鳥不止其上

戴延之西征記曰太極殿上有金井闌金搏山鹿盧蛟龍

負山於井上又有金獅子

伏滔北征記曰梁城東有韓馬墓去城三里東蘭殿是朱

王任殿

山謙之丹陽記曰太極殿周制路寢也秦漢曰前殿金稱
太極曰前殿洛宮之號始自魏按史記秦皇改命宮為廟
以擬太極魏號正殿為太極蓋採其義而加以太亦猶始
夏門魏加曰太夏咸康中散騎侍郎唐闡議求改太為秦
蓋謬矣東西堂亦魏制於周小寢也皇后正殿曰顯陽東
曰含章西曰徽音又洛宮之舊也含章名起後漢顯陽徽
音亦起魏曰明陽晉避文帝諱改為此周禮亦有路寢小
寢又其制度也

登真隱訣云襄陽殿太和殿皆云玉清宮中殿名

二京雜記云漢成帝設雲帳雲幄幕於甘泉紫殿謂之二
雲殿

漢官典職曰德陽殿周旋容萬人激洛水於殿下

郡國志曰秦州上邽縣北十六里有無疆殿後魏太武築
也

王子年十遺記曰漢成帝造飛行殿方丈如今之輦選期
門羽林之士負之而趨一名雲雷宮太極殿十一間

兩京記曰東京五殿陰殿也壁原五尺高九十尺東西房
廊皆五十餘間西院有庫厨東院有教坊內庫高宗嘗御

此殿

又曰流盃殿東西廊殿南頭兩邊皆有亭子以間山池此
殿上作漆渠九曲從陶光園引水入渠隋煬帝常於此為
曲水之飲在東都

又曰含元殿陛土高於平地四十餘丈南去丹鳳門四百步

王文考魯靈光殿賦序曰魯靈光殿者蓋漢景帝程姬之

子恭王餘之所立也初恭王始都下國好治宮室遂因魯

僖基兆而營焉遭漢中微盜賊奔突自幽京未央建章之

殿皆見墮壞而靈光巋然獨存意者豈非神明依憑支持

以保漢室者耶然其規矩晉名閣曰太極殿十二間徽行

殿顯陽殿暉章殿含章殿建章殿仁壽殿百福殿清暑殿

章華殿嘉福殿宣光殿明脩殿嘉樂殿芙蓉殿崇光殿華

光殿疏圃殿華殿在華林園章陽殿百兒殿芳德殿靈

圃殿承光殿永寧殿景福殿延休殿百子殿虞清殿淵真

殿安昌殿

建康宮殿薄云林光殿在縣東北十里潮構村覆舟山前

晉以為藥圃

又曰陳永初中於城臺城中起昭嘉德壽安乾明有覺等

殿

又曰光嚴殿在縣東北六里景陽山東嶺南起重雲光嚴

二殿前為兩樓

又曰梁於臺城中立魯城觀觀歷四代脩理火起重閣間

上名重雲殿下名光嚴殿

又曰太初宮中有神龍殿去縣三里

左太冲吳都賦曰抗神龍之華殿是也

又曰一城温德門內又起三善長春勝辨等殿

又曰鳳光殿在縣東北五里一百步舊臺城內

又曰宋於臺城立正福清曜等殿

又曰臺城中有麗譙閣麗日殿飛香三重閣

又曰臺城温德門內有^{未詳}文文思壽安等殿

輿地志曰未央宮後有鴛鴦昭陽飛翔增地合歡蘭林香

鳳凰等八殿

又曰丹陽郡建康縣文德殿梁武帝移張衡渾儀置北殿

又曰洛陽有顯陽殿皇后正殿也魏明帝所建

又曰丹陽郡建康縣臺城華光殿梁武帝大通中施與草

堂寺人洗取諸貨直百萬以其地起重閣九間

又曰丹陽郡建康縣臺城寶雲殿梁武帝以施佛寺

又曰丹陽郡建康縣臺城惠輪殿梁武帝亦供養佛

又曰洛陽昭陽殿魏明帝所治在太極殿之北鑄黃龍高

四丈鳳凰二丈置殿前

又曰新安郡新治縣西十里有太宰殿晉武陵王晞為太

宰桓温詐言其反新安女立第於墜第側後喪還都今空

家在

楊龍廳洛城記曰顯陽殿北有雲氣殿

洛陽宮簿曰明光殿徽音殿式乾殿暉章殿含章殿建始

殿仁壽殿嘉福殿百福殿芙蓉殿九華殿蔬圃殿華光殿

崇光殿

建康宮闕簿曰赤烏殿在縣東北五里吳昭明宮內制度上應星宿求所以永安也

水經註曰孔子廟東南立百步佳雙石門即靈光之南闕

北百餘步即靈光殿基東西二十餘丈南北十二丈高丈

餘東西廊廡別舍十間方七百餘步闕之東北有池池方

四十二步池中有臺方十步池臺之基岸悉石也遺基尚

整故王延壽賦曰周行數里仰不見日者也是漢景帝程

姬子魯恭王之所造也殿之東南即泮宮也在高門直北

道西宮中有臺高八十尺臺南水東西一百步南北六十

步臺西水南北四百步東西六十步臺池咸結石為之

太平御覽卷第一百七十五

據宋板舊抄本校計七葉
宋本復校

前空行

太平御覽卷一百七十六

居處部四

堂堂皇附

樓堂皇附

樓

堂

說文曰堂殿也

釋名曰堂猶堂堂高顯貌也

禮記曰堂上不趨堂上接武堂下布武

又曰將上堂聲必揚

又曰禮有以高為貴者天子之堂九尺諸侯七尺大夫五

尺士三尺

又曰親親天子不下堂而見諸侯下堂而見諸侯天子之失

太平御覽

卷一百七十六

一

也由夷王以下

尚書大傳曰天子堂九雉廣諸侯七雉伯子男五雉廣廣雉三

續漢書曰中平三年造萬公堂於西園

三十國春秋西京傳曰李嵩於南門外臨水起堂名曰靖

恭堂以議朝政閱武事堂成圖讚自古明王忠臣孝子貞

女嵩自為序以明鑒戒文武群塞亦皆圖焉是月白雀翔

于靖恭嵩頌之

梁書曰高祖五年改閱武堂為德陽堂改聽訟堂為義賢

堂

漢書曰任城王澄後高祖於親德殿高祖曰射以觀德次

之凝閒堂高祖曰名要有其亦此堂天子閒居之義不可

縱奢以志儉自安以志危故此堂後作茅茨堂謂李冲曰

此東曰步元庶西曰遊凱庶此坐雖非唐堯之居卿等當

無魏於元凱冲對曰臣既遇唐堯之君不敢辭元凱之譽

高祖曰先景垂落朕同宗則有載考之義卿等將出無遠

何德得默爾德音即命黃門郎崖光鄴郭雅邢蠻崔林等賦

詩志蠲至公卿辭高祖曰在夜載考宗旋之義卿等且還

朕與諸王宗室欲成此夜飲

和苞漢趙記曰劉聰嘉平三年廷尉陳元達極陳諫聽怒將

斬之聽時幸道遙國李忠堂元達抱堂下樹叫曰臣所言

者社稷之計聽免之於是易李忠堂為愧賢堂○

北史齊文襄於鄴東起山池遊觀河澗王孝嫺遂於第作

入曰云：蘇本另
提行

水堂龍舟植幡稍於舟上樓集諸弟宴射為樂武成幸具
等幸具等見而悅之故盛興後園之翫於是貴賤慕效處
處營造又曰若干惠事母以孝周文常造射堂新成與諸
將宴射惠竊歎曰親老矣何時辦此周文聞之即日徙堂
於惠宅

論衡曰王者之堂墨子稱堯舜堂高三尺僧家以為卑下
假使之然高三尺之堂莫莫坐於階下須臨堂察之乃知
莢數夫起視堂下之莢孰與懸日曆於宸坐願輒見之也
風俗通曰殿堂象東井析刻作河凌凌水物也所以厭火
晉宮闕名曰洛陽宮有百則堂螽斯堂休徵堂延祿堂仁
壽堂緩福堂合考堂樂日堂椒華堂芳音堂顯成堂承先

堂五福堂嘉寧堂

瑞應圖帝琴堂前有二橘樹連理改琴堂為連理堂

華陽國志曰文翁太構堂作石室一曰王堂在城南初堂

遇大夫守更修太又增二石室

虞石家記曰盧渾為右衛將軍大夫人年高求改職被詔

不聽特假百日迎母東歸起養親會會作詩言志

齊地記曰臨淄城西門外有古構堂其柱猶存齊宣王修

文學處也

拾遺記曰董姬常卧延清之堂設大齊屏風

又曰海人獻龍膏為燈於燕昭王王坐通雲之堂具燈

襄沔記曰馬叅每年刺史上旬於此泉起曲水流杯

壬子年拾遺記

太平御覽

卷二百三十六

三

堂引泉水為夜禊之所臨時構造事竟毀除其流杯堂本在壘城西

郡國志曰王屋縣有孔子學堂西南七里有石室臨大河水勢湍急五里之間寂無水聲如似聽義

又曰齊桓公宮城西門外有講堂齊宣王立此學也故稱為稷下學宮子如齊盟于稷門此也

宋永初山川古今記永康縣縉雲堂黃帝鍊丹處

又曰費此有積弩堂

益州記文翁學堂在城南

草頭山記曰學堂洛陽南陽關門外長十丈廣三丈堂前

石經四部本碑凡四十八枚西尚書周易公羊十六碑南

禮記五碑東論語三碑有諫議大夫馬日磾議郎蔡邕銘

又曰聖壽堂石虎造垂玉佩八百大小鏡二萬枚丁香末

為泥油丸四面垂金鈴一萬枚去鄴三十里聞響

十洲記曰崑崙山有光壁之堂在王母所居

郡國志曰雞陂之側即春申君子假居之殿也後太守居

之以數失火故塗以雌黃遂名黃堂

說苑曰聖人之天下譬如以堂上也今有滿飲酒者一人

獸壘然向隅而汰則一堂之人皆不樂矣

管子曰堂上遠於百里門庭遠於萬里今步者一日百里

之情通堂上有事十日而君不聞步者千里之情通堂下

有一月而君不聞步者百日萬里之情通門庭有事暮年

而君不聞此謂遠於萬里也

漢武內傳曰上元夫人言西王母有六甲之術用之可以遊景雲之宮登流霞之堂

漢武故事曰玉堂去地十二丈基階皆用玉

東京賦曰金華玉堂白虎麒麟

潘泥詩曰鸞鳳樓堂無不若翔寥廓

文選天台賦玉堂蔭映乎高隅

楚辭曰魚鱗屋兮龍堂

古詩云黃金為君門白玉為君堂庭中生桂樹華燈何煌煌

堂皇附

漢書曰生堂皇上宮而無四壁曰皇也

廣雅曰堂皇合殿也

洛陽記曰洛陽宮有桃間堂皇杏間堂皇竹間堂皇

皇孝間堂皇魚梁堂皇醴泉百戲臺皇

晉宮闕名曰洛陽有水確堂皇擇果堂皇

陸機四言詩序曰天子晏朝士於宣猷堂皇遂命機賦詩

樓

爾雅曰狹而修曲曰樓

說文曰樓重屋也櫟澤中守草樓也

釋名曰樓有尺牖諸孔婁婁然也

史記曰方士言武帝曰黃帝為五城十二樓以候神人帝

乃太神明臺并幹樓高五十尺輦道相屬

漢書曰齊南人玉帶上黃帝明堂圖中有一壁四面無壁

以茅葢通水園宮垣為複道上自樓從西南入蓋樓之始

也

又郊祀志云其南有玉堂殿門大為之偽大神明臺并幹

樓高五十丈輦道相屬為頽師古注云漢宮閣疏云樓高

五十丈上有室

東觀漢記曰公孫述造十層赤樓也

後漢書曰張奐傳初奐為武威太守其妻懷孕夢帶奐印

綬登樓而歌占者曰必將生男復臨茲郡命終此樓既而

子猛以建安中為武威太守殺刺史州兵圍之急猛耻見

擒乃登樓自焚而死

又曰黃昌為郡守陝縣彭氏造高樓臨道昌行縣彭氏婦

人輒登高樓而觀昌乃殺之

蜀志周郡作水樓多令奴更直臺上視天纔有一氣即白

郡

晉書曰石崇作樓令婢織珠作歌舞於上孫秀求綠珠不

得及崇被收乃在樓上謂珠曰吾今為女死矣珠乃墜樓

而死

又曰於石頭東城內起高樓加累入於霄漢連堞於積水

署曰入漢樓

宋書曰大明元年五月壬子紫氣出景陽樓狀如烟薄又

之詔改景陽為景雲樓

趙書云趙梁襲長安秦王業奪射鴈樓格戰至天明不拔

齊書曰東昏侯宮起僂躄神仙黃壽諸宮窮後畫影影以

麝香雜香塗壁時世祖與樓上施青漆世謂之青樓帝曰

武帝不巧何不絕用瑠璃

又曰焦度嘗戰敗逃于營亭湖中江州刺史王景文誘降

復拒沈攸之攸之於郢城登樓辱詈攸之攸之不能下至

今呼此樓為焦度樓也

又魏睿傳云虜自佛經世至萬世增雕飾正殿西築夏謂

之白樓樓南又有祠皇樓

梁書處士陶弘景傳云弘景於句容之句曲山永明初更

築三層樓弘景處其上弟子居其中賓客至其下又曰太

同十年幸蘭陵因賦歸舊鄉詩己酉辛京口城北固樓曰

此不足以固守然北望江山實為壯觀乃改名北顧幸迴

賓亭亭是帝鄉故老及迎候者少長數千人各齎錢三千

文

周書曰孫儉傳云為荊州刺史人安其業吏人表情為儉

構德樓樹碑刻頌朝議許焉

盛弘之荊州記云西鄂城東有二女稚歿三女造此樓於

墓所

老君本記云周康王時文始真人結草為樓占星候氣登

真隱訣云長綿上清太上官名玉晨道君所居吳越春秋

云會稽郡小城勾踐築臺周二百二十步西北丈一為龍翼樓

世說云弘征西治江陵城甚麗顧長康曰遙望層城丹樓如霞

墨子云偏城三十步置坐候樓出堞四尺百步一木樓樓前面九尺高七尺二百步一太樓去城中二丈五尺

洛陽地記曰洛陽城內西北角有金闕城東北角有樓高百尺魏文帝造也

王之置盛弘之荊州記曰荊州城西有百餘步有樓霞樓臨州康

吳越春秋曰范蠡為勾踐立飛翼樓以象天門為兩環繞

棟以象龍角

羊頭山記曰原城西門南角有萬樓俗傳飛入江常以鐵鏢繼之又樓上時見一道白氣如烟刺史必死輕者貶謫

州人至為常候

郡國誌曰定州安縣城上樓謂之神女樓

又由馬邑白樓即後魏紉姚興女為后后悲思因造此樓

登望餘以公粉故名之

又曰金華縣因山為城南臨汎水高阜上有樓名曰玄暢

樓宋沈約造以吟詠於此處

韋述兩京新記曰上陽宮有麗青臺浴日樓

十洲記曰崑崙山有玉樓十二層

虞氏家記曰吳山城白門蓋吳王闔閭所作也至秦始皇
帝守宮史燭燕窟室火燒宮而此樓故存

瀨鄉記曰老子廟有星天樓九柱樓靜念樓皆畫僊人雲
氣

袁彥伯羅山疏曰仰望石樓眇然在雲中

金陵地記吳嘉禾元年於桂林落星山起且里樓名曰落
星樓

吳都賦曰享戎旅於落星之樓

世說曰凌雲臺樓觀極精巧先稱平衆材輕重當宜然後
造精乃無錙銖相負揭臺雖高峻恒隨風搖動魏明帝登
臺懼其勢危別有大材持之樓即便頽壞論者謂輕重力

偏故也

九江錄曰庾亮在武昌諸佐吏殷浩等乘秋夜佳景共登
高樓俄而不覺亮至衆將避之公曰老子於此興復不淺
便坐談詠至今名庾公樓

幽明錄曰鄴城鳳陽門五層樓去地五十丈安金鳳皇三
頭於其上頭飛入章河朗見在水底一頭獨存

水經鄧州灞陵山上有入鄉樓

益州記曰成都有百尺樓

晉宮閣名去洛陽有鳳凰樓

古詩曰西北有高樓止與浮雲齊

樂府詩云日出東南隅照我秦氏樓

左傳曰夏啟有鈞臺之饗

又曰宋平公築臺妨於農收子罕請候農功之畢公弗許

築者謳曰澤門之皙實與我役邑中之黔實慰我心子罕

黑婚邑申子罕聞之親執朴以行築而扶其不勉者曰吾

儕小人皆有蓋廬以避燥濕寒暑今君為一臺不速成何

以為一謳者乃止

又曰晉靈公不居從臺上彈人觀其避丸者

又曰楚子成章舉之臺願與諸侯落之

又曰有地自泉臺出入于園從聲姜薨毀泉臺也

史記曰秦始皇作瑯琊臺刻頌德

又曰晉靈公造九層之臺孫息曰臣能累十二基加一雞

子於上公曰危哉息曰公造九層之臺三年不成實危於

此公乃止

又曰趙武靈王為野臺以望齊中之山境徐廣注野一作

望齊也

又曰蜀寡婦清其先得丹穴徐廣曰若而擅其利數世家

亦不訾謂其多不清寡婦也能守其業用財自衛不見侵

犯秦皇以為貞婦而為築女懷清臺

又曰淮南王安立思僊臺

又曰楚靈王為董華之臺在舉諫曰昔者莊王為匏居之

臺高不過望國氣分大不過容宴豆

又曰燕昭王置千金于臺上以延天下士謂之黃金臺

又曰子路聞蒯瞶入城造蒯瞶與孔悝登臺子路曰君焉用孔悝請德而殺之蒯瞶復聽於是子路欲燔臺蒯瞶懼乃下石乞壺翼攻子路斷纓子路曰君子死冠不免結纓而死

又曰漢武帝起柏梁臺高數十丈悉以香柏香聞數十里漢書郊祀志曰王莽篡位三年好神仙事以方士言起八風臺於宮中臺城作樂其上

史記云漢武帝元封二年公孫卿言於帝曰仙人好樓居帝乃使卿持節候作通天一高三十丈雷雨悉在其下去長安三里望見長安城武帝祭天臺舞八歲童女三百人道祠具招仙人祭天已令人升通天臺以候天神天神既

下所祭若火流星乃奉烽火而就行宮望拜上有承露盤仙人掌擎玉杯承雲表之露元鳳間臺自毀而椽桶皆化為龍鳳隨風雨飛去西京賦雲通天表而竦峙經百常而基擢上班華以交分下刻峭而若削也

又藝文志云曲臺記后倉記七篇如淳注曰行禮射曲臺后倉為記故曰曲臺

又曰趙武靈王建藁臺於邯鄲

又曰文帝嘗欲作露臺計之直百金曰百金中民十家之產也吾奉先帝宮室惟恐羞之何以臺為

又曰二師繫右賢王召李陵使為二師將軍輜重陵召見武臺師古曰未央宮有武臺也叩頭自請曰臣所將屯边者皆荆楚勇

士奇材劍客也力扼虎射命中願得自當一隊到蘭乎山
南以分單于兵毋令專鄉貳師軍士曰將士惡相屬邪吾
發軍多無騎予女陵對曰無所事騎師古曰猶言不事復騎也臣願以
少擊衆步兵五千涉單于庭上壯而拜之
後漢書曰永平初馬援女立為皇后顯宗圖畫建初中名
臣列將於雲臺雲臺在以椒房故獨不及援東平王蒼觀
圖言於帝曰何不盡畫伏波像帝笑而不言○

魏志曰武帝建安十五年作銅雀臺十八年作金虎臺又
作冰井臺魏昭云黃初五年文帝東征留郭后作未始臺
淋雨城樓多壞有司請移上后曰昔楚昭王出遊真姜留
漸臺江水至使迎而無符不去卒没今帝在遠未有急而

移上柰何也

何晏景福殿賦曰鎮以崇臺實曰永始複道重閣猖狂是
俟

吳志曰孫權於武昌臨釣臺飲酒大忻歡使人以水灑羣
臣曰今日酣飲醉墮臺乃止張昭曰紂為糟丘酒池長夜
之飲當時亦為樂○不以為惡權有慚色而罷

晉書曰汝南文成王亮太妃伏氏嘗以小病疾投於水亮兄
弟三人侍從並持節鼓吹震耀洛濱武帝登臨雲臺望見
曰伏如何可謂富貴也

又曰范甯為豫章太守大設庠序遣往交州採磬石以供
學
空用改革舊制不拘常憲遠近至者千于人資給衆費一

出私祿并取郡四姓子弟皆充學生講討五經又起李臺課讀
功用彌廣學

又曰涼張茂築靈鈞臺周輪八十步餘其高九仞武陵人堵
閻魯夜叩門呼曰武公遣我來曰何故勞百姓築臺呼姑
臧今幸巖以魯妖妄請殺之茂曰吾信勞人魯稱先君之令
何謂妖乎太府主簿馬魴曰今世雖未夷唯當弘尚道素
不宜勞役崇飾臺榭比年以來轉覺衆務日奢於往每所
經營輕為權度實非士庶所望於明公茂曰吾過也命止
作役

○崔鴻十六國春秋夏錄曰赫連勃勃大破南京涼傳擅於百
并殺衆萬以人頭為京觀號曰觸髅數臺

韓子曰景公與晏子遊少海登地植海之臺望其國曰美
哉煥乎後世將孰有之晏子曰莫田氏乎曰寡人有國如
田氏有之為之柰何對曰君欲奪之則近賢遠不肖治其
煩亂綏其刑振貧窮恤孤寡行惠而好儉民將歸君雖十
田氏其如君何

又曰越王伐吳先宣言吾聞吳王築如皇之臺掘淵泉之
池罷苦百姓剪財貨以盡民力餘為民誅之

幽明錄曰海中有金臺出水百丈結構巧麗窮極神功橫
巖雲渚竦曜星河也

晏子春秋曰景公起大臺歲寒役者皆凍晏子遂如臺執
朴鞭其不務者曰吾細人也皆有闔廬以避燥濕今君為

一臺而不速成國人皆以晏子助君虐也晏子歸而君令罷後仲尼曰古今善為臣者美名歸之君災禍及之身陸賈新語曰楚靈王作乾溪之臺立百仞之高欲登浮雲窺天上

王孫子曰昔魏靈公坐重華之臺侍御數百隋珠照日罷衣從風仲叔御諫曰桀行此而滅紂用此以亡今四境內侵諸侯加兵土地日削內寵無乃太盛歟公下席再拜曰寡人過矣於是出宮女數百人百姓大悅子貢聞之曰所謂能受諫者也

賈子曰翟王使之楚楚王誇之饗於重華之臺三休乃去南雄州記曰隆中諸葛亮故宅有舊井一今涸無水盛私

之記云宅西有三間屋基跡極高云是孔明避水臺先有人姓董君之滅門後無復敢有住者齊建武中有人修井得一石枕高一尺二寸長九寸獻晉安王習鑿齒只為宅名今宅院見在

樓觀本記曰尹喜宮南山阜上仙館舍即大夫觀望之臺也昔若君於此山勝宅時人因號曰老子陵蓋非墳墓也故爾雅云大陸曰阜大阜曰陵此之謂矣

新亭曰築作瑤臺殫百姓之財伊尹諫之桀曰吾有天下猶天之有日日亡吾乃亡乎

又曰魏王將欲為中天之臺曰敢諫者死許綰入曰聞大王將有中天之臺願加萬王子曰何力能加曰臣聞天與

也相去五千里地因而半之當立七千令五百里高其趾當方八千里盡王之地不足以爲臺趾古者堯舜建諸侯五千里王必願爲臺不起兵伐諸侯盡有地猶尤不足又伐四夷得萬八千里及乃足以爲臺趾材木之積人徒之衆食廩之輸以千萬億度八千里之外當定農畝之地足以奉結王臺者已備王可作主默然而罷

又曰紂爲鹿臺十年乃成大三里高千尺臨望雲雨故天下叛

沈懷遠南越志曰熙安縣東南有圓岡高十丈四面爲羊腸道論者曰尉佗登此望漢而朝名曰朝臺也

裴淵廣州記曰尉佗築臺以朝漢室圓基千步直峭百丈螺道登基頂上三畝朔望拜號爲朝臺

戴延之西征記曰許昌城本許由所居大城東北九里有許由臺高六丈廣三十步長六十步由耻聞堯讓而登此山邑人慕德故立此臺

管子曰困倉寡而臺榭繁有藏不足以供其費臺榭相者其上下相怨也

三輔故事曰未央宮前有東山臺釣臺倉池中漸臺

韓詩外傳曰趙簡子有臣曰周舍吏於門下抱筆執牘從之書過簡子與之居無幾死後與諸大夫飲於洪波之臺酒酣泣曰千羊之皮不如狐之一腋衆人之唯唯不如周倉之諤諤今舍死吾亡無日矣

說苑楚莊王與晉戰勝之懼諸侯之攻已也乃築為五仞之臺臺成有觴諸侯諸侯請約莊王曰我薄德之人也諸侯請為觴皆仰而曰將將之臺音音嘗其謀我言而不尚諸侯伐之於是遠者來朝近者入賓

又曰齊景公為露寢之臺城而不通焉栢音騫曰為臺甚急臺成君何不音通焉公曰然梟昔鳴者其聲無不為也無思之甚是以不通焉栢常騫曰臣請懷而去之公問曰何其節曰築新室為置曰茅焉栢常騫夜用事明問公曰今昔聞梟聲乎公曰一鳴而不復聞使人往視之梟當陞布翼伏地而死

家語曰楚王將遊荆臺司馬子期諫王怒令尹子西駕於

殿下曰今荆臺觀之不可失也王喜子西出從十里還引轡曰夫子期忠臣也若臣諛臣也願王賞忠而誅諛也王乃還

五經異議曰天子有三臺靈臺以觀天文時臺以觀四時施化囿臺以觀鳥獸魚龜諸侯卑不得觀天文無靈臺但有時臺囿臺

歸藏夏后曰啓筮享神於晉之靈臺作璿臺

山海經曰享神於大陵而上鈞臺

老子曰九層之臺起於累土

又曰衆人熙熙如登春臺

伏滔地記曰瑯琊東南十里有郎山即古瑯琊臺城也秦

始皇二十八年至瑯琊大樂之留三月作瑯琊臺即臺赤孤山也然高顯出於衆山之上高五里下周二十五里山上壘石爲臺石形爲磚如磚長八尺廣四尺厚八寸尺半三級而上級高三丈上級平厰二百餘步刊石立碑記秦功德漢武帝亦登此臺

吳越春秋曰楚靈王立建章華之臺與羣臣登焉王曰臺美伍舉曰臣聞國君服寵以爲美安民以爲樂克聽以爲聰致遠以爲明不聞土木之崇高蟲鏤刻畫金石之清音絲竹之聲啖以之爲美昔前王爲匏居之臺高不過望國氛大不過容晏豆士不妨守備用不煩官府民不敗時務官不易朝市今君爲此臺七年國人怨焉財用盡焉年穀

敗焉百姓煩焉諸侯忿怨卿士訕譏豈前王之所盛人君之所美者乎臣之誠愚不知所謂也靈王納之即除工去休不遊於臺

又曰范蠡於東武山起遊臺於其上東南爲司馬門立增樓冠其山嶺以爲靈臺起離宮於淮南陽中宿臺在於高平篤臺在於成丘立苑於樂野燕臺在於石室齊室臺在於襟山勾踐之出遊也休息石臺食於冷厨

又曰吳王闔閭治宮室立射臺於安里華池在平昌南城宮在長樂闔閭出遊卧秋冬治於城中春夏治於姑胥之臺且食鮒山晝遊胥臺射於鷗陂馳於遊臺興樂石城又曰越得神木一雙大二十圍長五十尋陽爲文梓陰爲

棟榑巧工施校制以規繩雕治圓轉刻削磨礪分爲丹青
錯畫文章嬰以白璧鏤以黃金狀類龍蛇文彩生光乃使
大夫種獻之於吳王曰東海役臣臣孤勾踐使臣種敢因
下吏聞於左右賴大王之力竊爲小殿有餘材再拜獻之
吳王大說子胥諫曰王勿受昔者桀爲靈臺紂起鹿臺陰
陽不和寒暑不時五穀不熟自取其災民虛國變遂取滅
亡大王受之後必爲越所戮吳王不聽遂受而起姑胥之
臺三年聚材五年乃成高見二百里行步之人道死巷哭
不輟嗟嘻之聲民疲士若人不聊生

帝王世紀曰周赧王雖居天子之位爲諸侯所侵逼與家
人無異貫於民無以歸之乃上臺以避之故周人因名臺

曰逃債曰故洛陽南宮移臺是也

呂氏春秋曰有俄氏有二伎女爲九成臺飲食必以獻王
孫子曰昔衛靈公坐重之臺侍御數百隋珠照日羅衣從
風

戴延之西征記曰官度臺去青口澤六十里魏武造也破
袁紹於此

揚龍驤洛陽記曰凌雲臺高二十三丈登之見孟津

鄧德明南康記曰雩都君山上有玉臺方廣數丈周圍盡

是白石柱自然石覆如屋形也四面多松杉遙眺俄七嚮

像羽人之館風雨之後景氣明淨頗聞山有鼓吹之聲山

都木客爲舞昌之節

述征記曰廣陽門北魏明帝流杯池猶有處所池西平原
懿公主第有皇女臺西南劉曜壘壘西曜試奴棚西北有
鬪雞臺

太平御覽卷二百七十七

據宋板舊抄本校 計九葉 宋本覆校

前言行

太平御覽卷二百七十八

一居處部六

臺

臺下

上卷五

王子年拾遺記曰秦始皇起雲明臺窮四方之珍木搜天
下之工南得丘碧桂麗水然沙青都宋沔雲尚素竹東得
慈蠻綿栢縹遂龍水於寒河星柘得漏海浮金狼淵羽壁
滌章霞素寘阜乾漆陰板文祀褰流黑龜暗海香瓊瑤異
是積有二人皆騰虛遠木揮斤斧於空中子時與工至午
時已畢秦人謂之子午臺又云客於子午之地谷起二
臺

又曰燕昭王二年海人乘霞舟以雕壺盛數斗膏以獻王
王坐通雲堂亦曰通霞之臺以龍膏為燈光耀百里煙色
丹紫國人望之咸言瑞光也遙拜之燈以火浣布為纏山
西有昭石去石十里見人物之影如鏡焉碎石片片皆能
照人而質方一尺則重一兩昭王春此石為泥泥於通霞
之臺與西王母遊居此臺上常有鐘鼓琴瑟鳴神光照耀
如日月之出臺左右種恒春之樹葉如蓮花芬芬似桂花
隨四時之色

又曰魏明帝即位五年起靈禽之園方園所獻異鳥殊獸
皆畜此園也時昆侖明國貢嗽金鳥國人云其地去涼化
九千里出此鳥形如雀色黃毛羽柔密常翔翔海上羅者

得之以為至瑞聞大魏之德被於荒遠故越山航海來獻
大國帝得此鳥畜於靈禽之園餽以珍珠飲以龜胸鳥常
吐金屑如粟鑄之以為器服昔漢武帝時有獻大雀此之
類也此鳥雪霜乃起小室以處之名曰避寒皆用水精為
戶牖使內外通光而風露恒隔宮人爭以鳥所吐之金用
飾釵珮謂之辟寒金宮人相朝曰不服辟寒金那得帝王
心於是媚惑者亂爭此寶以身及行卧皆懷挾以要寵
也魏代喪滅珠寶池臺鞠為煨燼嗽金之鳥從此亦自高
翔也

又曰周靈王會王二十三年起長昭之臺二名宜昭之臺
聚天下異木神工得崑崙谷隱生之樹臺周足矣其木有龍

蛇百獸之形飾水精爲泥高百丈升之以望雲色時有弘
能招致神異王登臺忽見二人乘空而至乘遊飛之輦駕
以青螭其衣皆縫緝毛羽王卽迎之上席時天下大旱地
裂木然一人先唱能爲霜雪引氣一噴則雲起雪飛坐者
皆口禁井池冰堅可啄久設狐腋素裘紫熊大襪是西域
所獻施於臺上又一人以指彈席上而暄風入室裘襪皆棄
臺下
又曰魏文帝築臺基高四十丈列燭置於臺各曰燭臺遠
望如列星之墜也以處美人薜靈芸焉
又曰魏明帝起凌雲臺躬自掘土羣臣皆負畚插時陰寒
役者多死高堂隆等諫之不聽累年而畢

又曰魏文帝時黃星炳夜乃起畢昂臺以祀星
又曰吳王潘夫人之父坐法輪於織室夫人容態少儔爲
江東絕色同幽者百餘人有司聞於吳主使圖其容貌夫
人憂戚不食減瘦改形工人寫其圖狀以進吳主吳主見
圖而嘉之以琥珀如意撫安則息嗟曰此神女也愁貌尚
能感之况在觀樂乃命雕輪就織室納於後宮果以姿色
獲寵美與夫人登昭宣之臺恣意幸適旣盡醉唾於玉
壺中侍婢瀉於臺下約火齊指環郎柱石榴枝上因其處
起臺名曰環榴其時有諫者云今吳蜀爭雄環榴之名特
爲妖乎權乃翻其名爲榴環臺也又與夫人遊釣得大魚
吳主喜而夫人曰昔聞泣魚今乃爲喜有喜必憂以爲深

試至末年漸相譖毀稍見離退時人謂夫人知幾知神矣
鈞臺今存基存

漢武帝內傳曰鈞弋夫人謂帝曰妾相運正應為陛下生

一男年七歲妾當死矣今年必不得歸願陛下自愛言終

遂卒既葬屍香聞十餘里因葬之雲陵帝甚哀悼又疑其

非常人乃發塚開視空棺無屍唯衣履存焉乃起通靈臺

於甘泉宮常有一青鳥集臺上往來至宣帝止矣

又曰漸臺高三十丈南有辟門三層高殿階陛咸以玉為

之鑄銅鳳凰高五丈飾以黃金於樓屋上

洞冥記曰武帝起招仙之臺於明亭宮北明庭宮者甘泉

宮之別名也於臺上撞碧玉之鐘掛懸黎之磬吹霜條之

箎唱來雲依日之曲使臺下聽而不聞管絃之聲

又曰大初二年起甘泉望風臺於臺上得珠望之如照月

因名照月珠

又曰建元二年帝起騰光臺以望西遠常有飛光如星集

於臺上亦曰輕星臺

又曰帝初起神明臺掘地入三千丈得泉水色黃傍有人

居無日月光明晝夜以火照中有人食上飲水服赭布之

衣漢人問汝何時居此答曰商王無道使兆民入地千丈

求青堅之上以作瓦起瑤宮金臺二人皆以繩縋入地裏

番奩取土多有壓陷死者今猶二人在耳漢人問何得獨

存答曰我以玉為衣袂金為環身有金玉故心氣不滅漢

人問汝欲更出為人否答曰食上飲泉與螻蟻為伍寧望
日月乎乃引出三日自死骨肉靡成灰唯心如彈丸大堅
如石以物扣之則乾血耳
述異記曰郭景純注爾雅臺今在夷陵郡又曲阜縣南十
里孔子春秋臺

又曰吳王夫差築姑蘇臺三年乃成周環語曲橫亘五里
崇飾土木殫耗人力宮妓數千人別立春霄宮為長夜飲
造千石酒鍾又作大池池中造青龍舟舟陳妓日與西施
為水嬉又於宮中作靈館館娃閣銅溝玉檻宮之欄檻皆
珠玉飾之吳既敗越王勾踐入會稽山上地方千里勾踐
得范蠡之謀躬教民以耕桑延四方之士作臺於外而館

賢士會稽之山有越臺

又曰晉永嘉之亂既過江諸公主不得隨去安陽公主與
平城公主等奔入兩河界悉為人家妻常怏怏不悅故有
民思鄉之至村人感之共築一臺以居之謂之公主望鄉
之館至今巋然王朗懷舊賦云將軍出塞之臺公主望鄉
之館是也漢武遣將軍王濟戍邊及帝崩王莽篡逆濟與
莽有隙遂留不敢歸因亡入胡中士卒相率築臺為望鄉
之處

又曰會稽山有虞舜巡狩臺臺下有望陵祠帝舜南巡葬
於九疑山民思之故立祠中都郭門古宮存焉宮前有堯
臺舜館銘記皆古

按今俗本述異記
正無又謂向則此
有乃古本足資致
證因据宋舊抄本
圖去故識於上

又曰中山有韓夫人愁思臺望子陵也

又曰燕昭王為郭隗築臺今在幽州燕王故城中上人呼

為賢士臺亦謂之招賢臺又謂之黃金臺

郡國志曰濮州避王臺穆王子為盛姬所造也今旁地猶

多眠石

又曰與陰縣富陂城郎詩之女墳也俗謂之女郎臺

又曰魏硯子臺云是張儀塚是硯也

又曰曹州麟城南有望麟臺園客祠庭種香州有五色神

蛾得六爾絲六十里始盡處

又曰明州温明臺後漢世祖晝卧此殿耿舟入造林下齊

歡即位處

又曰滎陽縣有太武城高祖與項氏各在一城東城有高

壇即項羽置太公於上處今名項羽堆亦呼為太公臺

又曰金河府青臺方山北五里文明太后恒於六宮遊戲

因歌曰青臺雀青臺雀綠山採花額頸着曲其並在大樂

部

又曰金河府自平城遙登臺出渴鉢口築元帝橫歌詩曰

朝登青陂道暮宿白登臺天女神即生後魏始祖神元也

又曰衛州范城北十四里沙丘臺俗稱姐已臺去二里有

一臺南臨淇水俗稱為上宮也

又曰鄆州涇昌縣有犀丘城青雲臺宋王令韓平築者

又曰南頓縣有光武臺應璩宅在其側

本吹下空三
格詩目二字在
下行

又曰洛陽陽子臺在陽城東三十里陽子陵隱處洛水昔王子晉與浮丘公同遊受王雞之瑞水亦宓妃之所在也又曰宛句縣昌都城呂后追遵父呂公為宣王都此有呂后臺西有辟陽侯臺閣道相連基趾見存又曰洛陽雞臺有劉曜試弩柵夕陽亭賈充出鎮長安百僚餞送於此

又曰鄭州故魏任城王臺下池內有漢時鐵鐘長六尺入地三尺頭自正為晉氏重興之瑞今不知在東南有空候城鄭衛之音也

又曰酸棗縣韓徙都於此有冰井臺五馬泉又曰衛州有鳳凰臺

又曰荊州龍陂山有楚王臺

又曰濮州羊角城陳思王愁臺基甚高

又曰夏州朔方郡赫連勃勃勃僭號築起真珠樓冲天臺

又曰兖州有娥皇女英臺

又曰恒州野望臺趙武靈王以登高亦曰寒臺

又曰荊州華容縣東十六里有董華臺楚靈王築臺東即荆臺縣也

又曰汾州榆次縣鑿臺即韓殺志伯於鑿臺之中

又曰木容山吳王遣木容入山求木不得工人憂思作木容吟一旦神木自生長二十丈作姑蘇臺

又曰鄧州皇后城即迎陰后處城西張平子讀書臺

又曰鄧州皇后城即迎陰后處城西張平子讀書臺

又曰亳州城父縣老子祠賴鄉曲仁里廟內有八公臺九柱樓畫東王母西王母又有靜念樓

又曰蒲州蚩尤城鳴條野禹娶塗山女思戀本國築臺以望之請之青臺上有禹祠下有青臺驛

又曰汴城上有列仙吹臺西有牧澤甬道二百里漢梁孝王所造今謂之堤赤城乘有繁臺本吹臺也云蒼頡師子

野所造後有繁姓居側因名焉西有崇山即顏率云蟬臺之下沙海之上是也

又曰許州有丹書臺魏文帝受禪有黃鳥啣丹書集此臺又曰衛州鹿臺此預城內紂自投火處紀年曰武王擒紂

於單南之臺蓋鹿臺之異名也糟丘池酒去城南一里基

跡猶存

水經注曰固安縣金臺陂東西六十里南北五十步陂側

西北有釣臺高十丈方可四十步陂十餘步有金臺金臺

高上東西八十步南北加減高十餘丈昔慕容垂之為范

陽也成之即斯臺也有小金臺臺北有簡並悉高大秀峙

相對翼臺左右水流經通長廡廣宇周旋陂浦棟柱咸淪

柱礎尚存是基構可得而尋訪諸耆舊咸言昭王禮賢廣

延方士至而郭隗樂毅之徒鄒衍劇辛之儔宦遊歷說之

民自遠而留者多矣不欲令諸侯之客伺隙燕邦故修建

下都館之南垂言燕昭創之于前子丹踵之於後故雕牆

敗館尚傳俊列之名雖無經紀可憑察其古跡似符宿傳

六平御身

又曰鳳谿水側有鳳凰皇止焉故謂之鳳凰臺

又曰河水南至華陰又東西北玉湖水注之南出玉溪北流

經皇天固三面壁立高于仞許漢世祭天於其上固名之

為皇天固上有漢武帝思子臺及泉鳩里加兵仞於太子

者上憐太子無辜乃作思子宮為歸來望思之臺於湖師

日言紀望而思無太子之意歸來也其在天下聞而悲之

又曰睢陽城故宮東梁郎之舊池也齊周五六百步水列

釣臺也池東又有一臺世謂之清冷臺北城憑隅又結一池

臺晉約曰或說平臺在城中東北角亦或言兔園在平臺

側如淳曰平臺離宮所在今城乘東二十里有臺寬廣而不

甚極高俗謂之平臺余按漢孝王傳稱王以功親為大國

築東苑方三百里廣睢陽城七十里大治宮室為複道自

東宮出揚州之門左門陽即睢陽東門也連屬於平臺則

近矣屬之城隅則不能是知平臺不在城中也

又曰景升臺劉表之所築也表性好鷹每登此臺歌也鷹

自來

又曰睢陽城中有掠馬臺東有一臺謂之清冷臺

又曰長平城在上黨郡南秦壘在城西秦坑趙仲收頭顱築

臺於此推鬼築此起令號曰白起臺

山海經曰沃民國有軒轅臺

又曰帝堯堯丹朱帝舜各二臺臺西方在崑崙崑崙東西北

六平御身

卷一百一十一

九

列傳曰蕭史者秦繆公時人善吹簫能致孔雀白鷗鷗繆公有女字弄玉好之因以妻焉遂教弄玉作鳳鳴居數十年吹作鳳聲鳳皇來止其屋為作鳳臺夫婦止其數年皆隨鳳飛去秦為作鳳女祠於雍宮時有簫聲焉
成都記曰望鄉臺蜀王秀所築也

又曰思妻臺在梓潼縣五丁於此山拔地山崩殺五丁山為嶺併殺秦王女因名之

三輔宮殿簿曰長樂宮有華華臺神仙臺

西征記曰揚州雷陂有臺高三丈南兖州記即吳王濞之釣臺也

地理志曰北地郡之向臺有回京西北四百里嵩高山記曰山有

玉女臺云漢武帝見三仙玉女因以名臺

益州記曰鴈橋東有嚴君平卜處土臺高數丈

南雍州記曰高齊之後有堂堂西有射堂伍間射堂南有

大池上有臺名曰樂喜臺

荊州記曰江陵縣東有天井臺飛狐軒軒孤映映背邑面河實效

躔遊憇之佳處也

襄沔記曰襄縣南五里鳳林山側宋隋王劉誕鎮此有龍

見此池中於後雍州刺史韋獻於此立放生臺

越絕書曰夫差起姑蘇之臺三年聚材五年乃成高見三

百里太史公登之以望五湖

伏琛齊地記曰平業城西北八十里平望亭亦古縣也

或謂秦始皇為望海臺

述異記曰凌雲臺在明光殿西高八丈累磚作道直通至臺

上迥眺窈洛邑暨南望少室亦山之秀極也

又曰蠡臺梁孝王所築於兔園中迴道似蠡因名之

太平御覽卷一百七十八

據宋板舊抄本校計九章 宋本復校

前空行

太平御覽卷一百七十九

居處部七

闕觀

闕

觀

崔豹古今注曰闕觀也於前所以標表宮門也其上可居登之可遠觀人臣將朝至此則思其所闕故謂之闕其上皆畫雲氣仙靈奇禽恠獸以示四方蒼龍白虎玄武朱雀並畫其形

釋名曰觀於上觀望也

廣志曰闕缺也門兩邊缺然為道也

周禮太宰曰以正懸治於象魏

禮記曰昔者仲尼與蜡賓事畢遊於觀之上喟然而嘆仲尼之歎蓋歎魯也觀闕也

左傳曰哀公三年司鐸火踰公宮季桓子至命臧象魏曰

舊章不可忘也象魏闕也注令懸之朝謂其書為象魏

又曰哀公十七年傳云魏夢於北宮見人登昆吾之觀注

云魏衛有魏在古昆吾氏之墟也今濮陽城

昭公二十五年傳云子家羈曰諸侯僭於天下夫人僭於

諸侯矣矣昭公曰吾何僭矣哉子家羈曰說兩觀乘大輅

注云禮天子諸侯內闕一宮也又定公二年傳云夏五月

壬辰雉門及兩觀災兩觀微也然則曷為不言雉門災及

兩觀主災者兩觀也

漢帝曰祥柯郡有桂蒲闕

又曰蓬萊方丈瀛洲此三山在海中諸僊人不死藥皆在

焉黃金白銀為闕事俱仙部

又曰建章宮東鳳闕高二十丈

列女傳曰衛靈公與夫人夜坐聞有車聲至闕而息過又

聞車聲夫人曰此必是遽伯玉公曰何以知之曰妾聞禮

下公門軾路馬今遽伯玉賢者也必不以暗昧廢禮公令

人視之果如所言

神異經曰東南有石井其方百丈止有二石闕狹東南面

上有罇熊有榜着闕題曰地戶西北荒中有金闕高百丈

上有明月珠徑三丈光照千里中有金階西北入兩闕中

明天門

十洲記曰崑崙山有精闕

水經曰秦孝公築翼闕臨渭水在咸陽西四十里

關中記曰未央宮東有青龍闕北有玄武闕漢書所謂北闕者也

建章宮圓闕臨北道鳳在上故曰鳳闕也閭闔門內東出有折風闕一名別風

瀨鄉記曰老子廟前有兩石闕大闕高九丈八尺下三重石鹿闕邊各有子闕

山謙之丹記曰大興中議者皆言漢司徒許或墓闕可從施之王茂弘弗欲後陪乘出宣陽門南牛頭山兩峯曰天

闕也豈煩改作帝然之

鄧德明南康記曰南康縣歸美山去縣七百里下有石城

高數丈遠望嵯峨靈闕騰空故老謂之神闕莊子中山公

子年謂瞻子曰身在滄海之上心居魏闕之下奈何瞻子申重不能自勝則從人無惡乎不能自勝而強不從者此之

謂重陽重陽人無壽類矣

魏文帝歌曰長安城西有雙圓闕上有雙銅雀一鳴五穀

生載鳴五穀熟

王子年拾遺記曰崑崙第九層山形漸狹小下有芝田蕙

圃皆有數百頃羣仙種耨焉傍有瑤臺十二各廣千步皆

五色玉為臺基最小層有流精闕直上四十丈有風雲雷

雨師闕

觀觀

漢書成紀云孝成帝元太子也母曰王皇后帝在太子家

生甲觀畫堂應邵注云甲觀在太子宮甲平地主用乳生也

顏師古曰畫堂但畫飾室中宮殿通者彩畫也

又曰甘露二年幸萑陽宮在屬觀屬玉水鳥似鵝

後漢書曰丁鴻字孝公肅字韶鴻與廣平王羨及諸儒樓

望成封桓郁賈逵等論定五經同異於北宮白虎觀廣平

王羨明帝子東觀記曰與太常樓望少府成封屯騎校尉

桓郁衛士令賈逵等集義白虎門曰名於門立觀因焉使

五官中郎將魏應主承制問難侍中淳于恭奏上帝親制

臨決鴻以材論最明儒者稱之數嗟美焉時人嗟曰殿中

無雙丁孝公

又章帝記曰永平元年長水校尉隲奏言先業大業當以

時施行欲使諸儒共正經義頗令孝者得以自助於是下

太常將軍大夫博士議郎郎官及諸王諸儒會白虎觀講

議五經同異

又曰時謂東觀為老氏藏室注老子為柱下史四方所記

文書皆歸於柱下言東觀多經籍

又曰高彪徐郎中校書東觀後迁外黃令畫彪形象以勸

學者

又曰靈帝起四百尺觀於河亮道造萬金堂於西園又造

廣平王羨至因以名焉四十六字見後漢書雙行小注

南宮玉堂築廣城苑

魏志曰帝作凌霄觀始構有鵠巢其上侍中高堂隆曰起闕而鵠巢不得居之象

又曰明帝置崇文觀徵善屬文者以充之

吳志孫和傳曰和為太子被廢驃騎將軍朱據尚書僕射屈晃率諸將吏泥首縛達日詣闕請和權登白爵觀甚惡之

蜀志云李輔字玄政為牙門討破羗虜築平羗觀于秦亭晉書元記曰太興元年十一月乙卯日夜出高三丈中有赤青耳詔曰天災遣誠所以彰朕之不德也羣公卿士各上封事吳陳得失無所諱將親覽焉新作聽訟觀

又劉曜武載記曰曜立太學於長樂宮東簡百姓年二十

五已下十三已上五百人選朝賢宿儒明經篤學以教之命起鄴明觀西觀起凌烟臺於瀟池

又曰季龍載記云太子宣出時季龍於其後宮升凌霄觀望之笑曰我家父子如是非天崩地陷當復何愁但抱子弄孫日為樂耳

又張駿傳云駿境內漸平使其將楊宣率眾越流伐龜茲鄯善於是西域並降鄯善元孟獸女號曰美人立賓遐觀以處之

齊書王儉傳曰宋明帝太始六年置惣觀觀以集學士或謂之東觀置東觀祭酒一人惣明訪學二人儒玄史四科

科置學士十人其餘吏下各有差是歲省聰明觀於儉宅
開學士館以聰明簿書充之。

陳書後主紀云帝令采木湘州擬造正寢棧棧至牛渚磯盡
沒既而魚人見棧於海上復起齊雲觀國人歌曰齊雲觀
寇來無際畔

後魏書高祖紀下云十五年五月議改律令於東明觀親
折疑獄

又道武帝紀云天興三年起紫微殿玄武樓風涼觀石池
鹿范臺

又匈奴劉聰傳云平陽地震崇明觀為池水赤如血赤氣
至天赤龍奮迅而去

輿地志曰丹陽郡建康縣臺城齊文惠太子治玄圃有明
月觀婉轉橋徘徊廊園內作淨舍

又曰丹陽郡秣陵縣新亭隴有遠望樓又名勞勞樓宋改
為臨滄觀行人分別之所

又曰洛陽有廣望觀閶風觀萬世觀修靈觀臨商觀百葉
抄魏築怒章觀建翔鳳於其上使八方持人六宮女尚書

居之引谿水過九龍殿前玉井綺欄水轉百戲

又曰石虎起靈臺九殿女官十有八等又女妓二千為鹵
簿皆着紫綸巾熟錦袴金銀鏤帶五紱織成靴遊於戲馬

觀

漢封禪儀泰山東南有山名曰觀雞鷄一鳴時見日始出長

三丈者秦觀者望見長安吳觀者望見會稽周觀者望見齊

三輔黃圖云漢武帝起鳩鵲觀及起神明觀馭姿觀泉苑

起仙人觀綠山谷行至雲陽三百八十里入右扶風周迴

五百四十里

又曰武帝起鳩鵲觀神明觀法觀集靈觀使門觀陽觀祿

觀

漢宮殿名曰長安有臨山觀渭橋觀仙人觀霸昌觀蘭池

觀平樂觀九華觀象章觀鴻鵠觀昆明觀走馬觀華光觀

封蠶觀走狗觀天梯觀瑤臺觀流渠觀相思觀長平觀宜

春觀華池觀射熊觀迎風觀路寒觀常視觀石闕觀白渠

潘丘山關中記云

觀鼎效觀潘關山關中記云鼎效觀在立林苑白虎觀懷

德觀三雀觀林木觀温德觀長平觀華延雋洛陽記曰洛

城十八觀皆施玄檻銑籠梳雲母幌

華山記曰南東嶺巖北面有二小山一山有雙石豎立號

曰石門一山孤崖特秀上有客觀陟之者遠眺千里

阮勝之揚州記曰揚子縣有子宮官官中有玄珠觀

華陽國志曰蜀城有逸客觀

華陽延携洛中記云金牖城西南角有昌都觀東北有百尺

樓魏都水使者陳熙造

建康宮闕簿云商飈觀在東北十三里籬門亭後亭塹上

齊武帝築九日登以晏羣臣

又起云異本另提行

又曰魯城觀在縣東北七里景雲樓東齊武地起七月七日夜令宮人登以穿針因名曰穿針樓

又曰通大觀在縣東北五里一百步舊臺城內宋元禧中

築蔬圃三十三年更修廣之築池泊天泉造景陽樓大壯

觀花走殿設射棚又立鳳光殿醴泉堂

又曰洛陽宮中有玄覽觀東泥觀清覽觀高平觀廣望觀

竹松觀見新觀樂觀凌雲窓章宣曲萬等觀

又云建業宮有迎風觀在縣南十五里宋武大明中起於

石子塹上孫峻殺諸葛恪殷綝殺宋此皆於此又有微道

觀

晉潘樂關中記曰柘觀虎園觀昆池觀上閭觀池觀走

馬觀湯祿觀則陽觀陰得觀並在上林苑中

陸机洛陽地記曰洛陽南宮有承風觀洛陽北宮有增喜

觀洛陽城外有宣揚觀千秋鴻池泉城陽威石樓等觀

又曰洛陽城外有鼎中觀輿地志云洛陽西南洛水上有

鼎中觀是成王定鼎處

唐韋述東京雜記曰東京紫微宮有一柱觀

又曰上陽宮有上清觀

潘安仁西征賦云圖萬載而不傾奄崔洛陽十紀擢百尋

之曾觀兮今數仞之餘趾

左太冲吳都賦慮紫宮以營室郭廣庭之漫漫寒暑隔闕

於邃宇虹蜺回帶於雲觀

何平叔景福殿賦云於是碣以高碣從觀表以建城峻廬
岩堯岑立崔嵬密居

宋玉高堂賦序云昔者楚襄王與宋玉遊於雲夢之臺望
高堂之廟觀

魏陳思王七啓曰閑宮顯敞雲屋皓軒崇景山之高基迎
清風而立觀

沈休文鍾山詩應西陽王教云卽事旣多美臨眺殊復奇
南瞻華胥觀西望昆明池

沈休文遊沈道士館詩云旣表祈年觀復立望仙宮
謝玄暉觀朝雨詩云朔風吹飛雨蕭條江上來旣灑百常

觀復集九成臺
一百七十九卷終

前定太平御覽卷第一百七十九 據宋板舊抄本校 計七葉 宋本復校

太平御覽卷一百八十

居處部八

宅

宅

釋名曰宅擇也言擇吉處而營之也

說文曰宅人所託也

周禮曰凡任地國宅無征鄭注云國宅城中無征稅也

禮記曰獻田宅者操書契

左傳曰初景公欲更晏子之宅曰子之宅近市湫隘囂塵

不可以居請更諸爽塏者辭曰君之先臣容焉臣不足以

嗣之及晏子如吾公更宅反則成矣旣拜乃毀之如里室

一百五十七引作曰諺
曰此疑後人依俗本
左傳改之

皆如其舊則使人返之且諺曰非宅是卜惟憐是卜二三

子先卜隣矣卒復其舊宅
漢書曰蕭何買田宅必居窮僻處曰令後世賢師吾儉不
賢母為勢家所奪

又曰魯恭王餘好治宮室苑囿壞孔子舊宅以廣其宮聞
鍾磬琴瑟之聲遂不敢復壞於其壁中得古文經傳

吳志曰周瑜與孫策同年相友善瑜道南大宅以舍策升
堂拜母有無通共

晉書曰裴楷性寬厚與物無忤不持儉素每遊崇貴輒其
珎玩雖車馬器服宿昔之間便以施諸窮之嘗營別宅基

構甚麗與兄共遊行床帳儼然櫺軒策節兄心甚願之而

口不言也楷心知其意便使住之

又曰杜后母裴氏為廣德縣君裴氏名穆長水校尉綽孫
太傅主簿選女太尉王夷甫外孫中表之美高於當世選

隨東海王越遇害無子唯穆渡江遂亭榮慶立第南掖門
外世民所謂杜老宅云

又曰有秦王公國家京城不宜有田宅未暇作諸國邸當
使有往來之處今限京師得有宅一所

又書曰劉繪字士章彭城人也太常峻弟父勔宋末權
貴門多客繪解褐為著作郎太祖見歎曰劉公為不忘矣

繪聰警善隸書為陵王後進賓客時張融周顒並有五言
融音旨緩韻顯辭致綺捷繪之言吐又頓挫風氣時人謂

融音旨緩韻顯辭致綺捷繪之言吐又頓挫風氣時人謂

語曰劉繪貼宅別開一門言在二家之中也又朝野為語曰三人共宅夾清章張南北劉中央言處二人間

王隱晉書曰魏書字陽元幼喪父母為外家寧氏所養寧氏起宅相者云當出貴外甥外祖父母以盛氏甥小而魏謂應相也舒達為外家成此宅相

又曰上黨鮑綏家多喪禍貧苦淳于智卜之卦成謂曰為君安宅者女子工耶曰是也又曰此人已死耶曰然智曰

此人安宅失宜既害其身又令君不和君舍東北有大桑樹君經入市門數十步當有一人折新馬鞭者便就謂買

還懸此樹三年當得物緩承言詣市果得馬鞭懸之三年後浚井中得十萬銅錢雜器復可二十餘萬於是家業用

屢病者亦愈

晉書曰孔愉滎山陰湖南侯山下數畝地為宅草屋數間便棄官居之俸資數百萬悉無所取

又曰桓公得志常欲以謝宅宅為營謝混曰邵伯之仁猶惠及甘棠文靜之德更不保五畝宅耶玄聞慚而止

宋書曰初大杜西空地吳時丁奉宅孫皓流徙其家晉有江左初為周墳蘇峻宅其後為袁真宅又為章武王司馬

秀宅皆凶敗後給藏壽亦頻遇喪禍故是稱惡地王僧綽常以正達自居謂宅無吉凶請為第始築未火宮而敗又

顏延之傳曰峻既貴重權傾一朝凡所資供之無所受器服不改宅宇如舊見峻起于謂曰善為無令人笑汝掘也

齊書曰齊世祖武皇帝諱贖字宣遠太祖長子也小字龍
兒生於建康青溪宅其夜陳孝后劉昭后同夢龍據屋上故
字之焉

梁書曰高祖宋大明八年甲辰生於秣陵縣同夏里三橋
宅

後魏書曰就德與興反於營州使尚書盧同往討之大敗而

返屬侍中穆紹與元順侍坐因論同之罪同先有近宅借

紹頗欲焉為言元順勃然曰盧同終將無罪太后曰何得如侍

中之言順曰有好宅與要勢侍中豈慮罪也紹慚不復敢

言

又邦彜傳曰孝文因行樂至司空府南見巒宅謂巒曰朝

行樂至此見卿宅乃住東望德館情有依然巒對曰陛下

移構中原方建無窮之業臣意在與魏昇降乎寧容不務

永寧之宅帝謂司空穆高僕射李冲曰巒之此言其意不

小

五代史晉史曰羅紹威前唐時嘗建第洛陽福善里莊宗

同光允中始賜明宗梁祖庸使趙巖宅雖華以趨內遠乃召

紹威子周敬也易第後明宗即位一日夢中見一人儀形瓌

秀君素識者上夢中曰此得非前宅主羅氏乎及寢訪其

子孫左右對曰周敬見列明廷召至果符夢中所見上謂

侍臣曰朕不欲使大勲之後又無上地因授左馮翊非承

家為善何以至此

五代史周書曰漢初以晉入藩將相第宅賜隨駕大臣以趙瑩第賜太祖太祖召瑩子前刑部郎中易則告之曰所賜第除素屬版第外如別有契券以所置者可歸本直即以千餘緡遺易則易則惶恐辭讓太祖堅之乃受孔子家語曰魯哀公問於孔子曰寡人聞東益宅不祥信有之乎孔子曰不祥有五而益宅不與焉夫損人而自益身之不祥也老者不教幼者不學俗之不祥也聖人匿遇擅權天下之不祥也不祥有五而益宅不與焉

淮南子曰魯哀公欲西益宅史巫為之西益宅不祥哀公作也怒左右數諫不聽乃以問其傅曼折驪對曰天下三不祥而西益宅不與焉哀公大悅復問何為三不祥對曰

不行禮義一不祥嗜欲無止二不祥不聽正諫三不祥哀公喟然自反不益宅

風俗通曰宅不西益俗說西者為上上益宅者妨長家也原其所以西益者禮記曰南向北向西方為上

爾雅曰西南隅謂之隩尊長之處也不西益者恐動搖之耳審西益有害增廣三面豈能獨吉乎

國語魯文公欲弛孟文子之宅文公魯僖公之子弛毀也孟文子魯大夫公孫敖之子文伯毅也宅有司所居公欲毀之以益宮也使人謂之曰吾欲利子於外之寬者對曰夫位政之建也署位之表也車服表之章也宅章之次也祿食之次也君議五者以建政為不易之故也今有司未

文公至宮也三十
八字
宋本

命易臣之署與其車服而曰將易而次為寬利也夫署所
以朝夕處君命也臣立先臣署服其車服為利故而易其
次是辱君命也不敢聞命若罪也則納祿祿與車服而違
署唯里人之所命次公弗取臧文仲聞之曰孟孫善守矣
其可以蓋穆伯守後於魯乎穆伯文子之父公孫敖也淫
矣魯姬出奔而死於齊今文子守官不失禮故可掩蓋其
父惡守其後嗣也公欲弛邱敬子之宅亦如之公文公後
夫邱○惠伯玄孫之孫敬伯迴也亦如對曰先臣惠伯以
之者亦謂之欲利子於外之寬者也命於同里嘗禘烝享之所致君昨者是有數以出入受事
之幣以致君子命者亦有數矣命臣更次外無乃謂乎
請從司徒以班從次亦弗取

穆伯至嗣也四十一字穆本作小注

孟子曰五畝之宅樹牆下以桑匹婦蠶之則老者足以衣
帛矣

韓子曰有與猛者隣與者賣宅避之人曰是其貫將滿矣
子姑待之答曰吾恐以我滿貫也遂去之

淮南子曰任一人之能不足以治三畝之宅循道里之數因
天地之故固然則六合不足均也

抱朴子曰葛盧佐光武有大功受爵立宅舍於博望里今
基趾石礎存焉

郡國志曰號州楊震宅西有龍望原南崖有太尉公藏書
窟太原初獸入穴見古書二千餘卷

又曰洛陽董卓宅在永和里掘地輒得金玉寶玩後魏邢

藥掘得丹砂及錢銘曰董太傅之物後夢見卓索藥不與
經年而卒

又曰洛陽石崇宅有綠珠樓今謂之狄泉

又曰洛陽蘇秦宅在利人里後魏高顯業每夜見赤光於
光處掘得金百斤銘曰蘇家金業為造寺

又曰幹山南許珣宅

又曰長沙南寺賈誼宅亦陶侃宅在焉

又曰婁縣山下有巫咸故宅在焉

又曰鄂州西塞山黃琬宅丁固宅

又曰潯陽湓城亭有陶潛宅

又曰柳州城東北有仙人蘇耽宅

又曰清陽有小長安東塲城有范蠡祠即宅也

又曰恒州九門縣新市城西蘭相如宅

又曰鄧州梅溪出紫山南百里奚故宅在焉

又曰密州高密西有鄭玄宅亦曰鄭玄城後移葬於屬阜

墓側有稻田萬頃斷水造魚梁歲收億萬世號萬足梁

輿地志云將東南白沙有龐士元宅於漢水之北司馬德

操宅於南水之南隔魚梁州街對於歡情自接每至相思

則褰裳涉水師承子祖生許字

樓承光別傳曰樓玄到廣州密步虞仲翔故宅出遂徘徊

躑躅哀喚慘愴不能自勝耳起

三輔次錄曰郭祥為太尉長史大宅在高陵西世稱曰長

史宅

瀨鄉記曰老子祠在瀨鄉曲仁里譙城西出十里老子平生時教化學堂故處也漢桓帝修建屋宇為老子廟廟北

二里李夫人祠老子所生舊宅也

劉禎京記曰唐顏山山週廻二里餘山南得路得經鑿故

宅五十餘畝

又曰長村東大瀆瀆北有謝玄故宅

戴玄西征記曰東陽門外道北吳蜀三主第宅去城二里

墟基猶存

又曰潼關北去蒲坂城六十里甲有舜廟城外有宅并及

二妃壇南去城二十里有田舜所耕上亦有山

述征記曰豐水九十里漢高祖宅

又曰山陽縣城東北二十里魏中散大夫稽康園宅今悉

為田墟而父老猶謂稽公竹林地以時有遺竹也

成都記曰成都縣南百步有嚴君司馬相如楊雄宅今草

玄亭餘跡尚存

陳留耆舊傳曰董宣為北海太守大姓公孫丹造起大宅

工占之云宅成當出一喪舟使子取行人殺之以塞咎宣

收舟考殺之

世說曰鍾會荀濟二人情好不協荀有寶劍可直百萬常

在母鍾大夫許會善書學荀手跡作書與母取劍仍竊去

不還荀後知是鍾而無由得求思所以報之於是潛往盡

以千萬起新始精農未得移住荀善書於其潛往

鍾門堂並作大傳形象衣冠狀貌如平生之容鍾來入門便感慟於宅遂空廢

徐邈別傳曰邈與仲民舉世認承傳為定範舊疑歲神在卯宅之左即彼宅之右地何得俱忌邈以為太歲之屬自是遊神譬如日出之時向東背朔非為定體

水經注曰齊城門外有晏嬰宅

盛弘之荊州記曰新野郡西七里有溪源出紫山南流入清故營老傳云溪西有百里奚宅

又曰新野郡南有越相范蠡祠宛三戶人傳云祠處即是宅

又曰襄陽范蠡祠南有晉河南尹樂廣宅周迴十餘畝曩

舊井猶未頽檀道濟置邏其中即名為樂宅

又曰襄陽西北十里名為隆中有諸葛孔明宅

又曰宛有伍子胥宅

范王荊州記曰義陽六安縣有北武宅枕泉所謂龍飛泉也

蘇州記曰周文學孔子弟子言偃宅在常熟縣西史記云

言偃吳人也字子游又吳地記云宅有井井邊有洗石周

四尺輿地志云梁簫正德為郡太守為簫將莫知所在

吳地記曰云陸氏宅在長宅谷在吳縣東北谷名華亭谷

水下通松江昔陸遜陸凱居此谷吳志云漢廬江太守陸

康與袁術有隙使姪遜與其子績率宗族遠此避難居于

是谷谷東有崑山父祖墓焉故陸機思鄉詩鬢髮松水陽
婉孌崑山陰

列仙傳云歷陽在彭祖宅禱祠風雨應期而至

襄沔記曰郡南晉永興中鎮南將軍襄陽郡守劉弘至陰

中觀亮故宅立碑表盧傳太傅掾捷為李興為文又曰繁

欽宅王粲宅并在襄陽并臺猶存

又曰長流解西有梁曹儀同景宋柳義同慶遠章儀同獻

諸並相隣次郭城西門韋獻少時有南陽人蔡邕善相獻

宅應出三公刺史貴不可言時獻宅上有草房十間邕宅

在城南悉是瓦屋求獻換宅疑不許獻兩無闡纂有令

問位望在獻之又鄉里謂此人應班槐棘其後闡纂相繼

而終獻奉龍鳳遂成宅相簡文徵書既至遊憩此宅望氣

之言始有徵矣

丹陽記曰有張子布宅在淮水南對瓦官寺門張侯橋所

也橋近宅因以為名

仲雍荊州記曰秣歸縣有屈原宅伍子胥廟擣衣石至今

猶存焉

韋述兩京記曰東京宜人坊其半本隋齊王暉宅煬帝愛

子初欲盡坊為宅帝曰字文愷曰里名為何愷曰里名宜

人帝曰既號宜人奈何無人可以半為王宅

又曰仁和坊兵部侍郎許欽明宅欽明戶部尚書閏師猶

子與中書令郝處俊鄉黨親族兩家子弟類多醜陋而盛

故陸機云本

又曰云本

師車馬以遊里巷京洛為之語曰衣裳好儀觀惡不姓許
卽姓郝

又曰崇仁坊西南隅長寧公主宅既承恩盛加雕飾朱樓
綺閣一時勝絕又有山池別院山谷麴蔽勢若自然中宗
及常庶人數遊於此第留連彌日賦詩飲宴上官昭容操
翰於亭上柱上寫之常氏敗公主隋夫人為外官初欲出
賣木石當二千萬山池別院乃不為數遂奏為觀請以中
宗號為名詞人名士竟入遊賞

又曰延壽坊東隅附馬裴吳宅高祖末裴行儉居之自行
儉以前居者輒死自儉不居有狂僧突入斃其庭中大柳
樹中有豕走出徑入北隣其家數日暴死盡此宅清晏

又曰永興坊西門北魏徵宅本字魏宅及徵居之太宗幸
焉時將營小殿賜徵為堂

又曰通化坊東南鄭公殷開山西北顏師古宅又有歐陽
詢宅時人謂之吳兒坊

又曰延壽坊北門之西有中書令閻立本宅宅內曰亭中
有立本畫山水墨跡

又曰明教坊龍興觀西南隅開府宋璟宅南門之東國子
司業崔融宅環造宅悉東西相對不為斜曲以避惡各融
為天表築用思精若不直馬過其門不覺文就而卒

又曰尚善坊東南隅岐王範宅宅有羣穆畫鶴世稱妙絕
又曰勸善坊東北隅太子太師鄭公魏徵宅山池院有進

士鄭光入畫山水為時所重

又曰宣風坊北街之北街之西中書令蘇味道宅有三十
六柱亭時稱巧絕

祿山事跡曰祿山舊宅在道政坊玄宗以隘陋更於親仁
坊選寬爽之地出內庫錢糧更造宅焉勅所司窮其華麗

不限功力財物堂皇院於重復窳窳周匝詰其戶牖交疏
高臺臨池苑若天造帷帳幔幕充牣其中至九年八月祿

山獻俘將至京方命入此新宅

春秋內事曰陰宅以日奇陽宅以月耦偶陰宅先內男子當
令奇陽宅內女子當令耦偶乃吉陰宅內男子三人陽宅內
女子二人

地鏡圖曰人望百家宅法中有赤氣者家有貨財白氣人

家有財不保黑氣有五其伏在宅中青氣者有銀地寶也

稽康宅無吉凶論曰設為三公之宅而命愚人居之必不

為三公可知也夫壽天之不可求甚於貴賤然則宅百年

之宮而望殤子之壽孤逆魁忌以速彭祖之天必誣矣然

則果無宅也是性命自然不可求矣

樓觀本記曰隋之開皇元年勅旨樓觀者本尹先生卜居

之勝宅老君說經之聖跡乃玄教根源福之首宜令所司

別作圖樣開拓舊居

太平御覽卷之一百八十終

據宋板舊抄本校 計十葉 宋本復校

八十五

及自國...

之補...

...

...

...

...

...

...

...



